

رواية

عشق السراب

شيماء الصغير

داركتاب للنشر والتوزيع



مستول النشر

طارق رمضان

مدير التوزيع

عمر عبد السميع

مدير العلاقات

مها عادل

الطبعة الأولى
الكتاب : عشق السراب
تأليف : شيماء الصغير
تصنيف الكتاب : رواية
مصمم الغلاف : عيد الرحمن سندوبى
إخراج : أحمد عبد الرحمن
المقاس ٢٠ × ١٤
رقم الإيداع : ٢٠١٨ / ٢٠٧٦٧
الترقيم الدولي : 0 - 31 - 6597 - 977 - 978

جميع الحقوق محفوظة

all rights reserved . no part of this book may be reproduced ' stored in aretrieval system , or transmitted in any from or by any means without prior permission in writing of the publisher .

ثم جميع الحقوق محفوظة لا يسمح بإعادة إصدار هذا الكتاب أو أي جزء منه أو تخزينه في نطاق استعادة المعلومات أو نقله بأي شكل من الأشكال ، دون إذن خطي مسبق من الناشر .

العنوان : ٤٧ تقاطع الفلكي مع محمد محمود - القاهرة - مصر

التليفون : ٠١٠٩٧٥٥٣٣٢٨

Email : darkitabone@gmail.com

مقدمة

نظل في حيرة دائمة... لا نعرف أين ومتى وكيف؟ ...
حدث إنشقاق بقلوبنا ... تناورت ألسنتنا في معرفة الخفاء
... الذي تكنه صدورنا ... فأصبحنا في تصارع بين الحاضر
والمستقبل وهل علينا التقدم أم نبقي كما نحن؟
نعشق رجوعنا إلى ما مضى ... في أمل آخر يعيد لنا الحياة
من الجديد لتتلاقى أعيننا في عشق جديد ... لانعرف
عنه شيء سوي

إدعاء الجهل لبقاء المجهول

فما تعريفك أنت لعشق السراب؟

الفصل الأول

مجهول

في الغرفة شبه المظلمة ،مميّنة لا يُذكر فيها شيء ..
تترادف أنوارها من نوافذها بإطلالة من أشعة الشمس
المشرقة ولكنها تصبح شديدة الحر صيفاً ...
لا حياة فيها سوى لمن أحب العزلة والسكون سراً
مع شهقة البكاء المحرقة من آلام دفينة تسبق وضوحها
النهار ...
مكاناً هادئاً ...

يلتمس وجود فتاة ترقد نائمة لا تدري بأي شيء سوى
إغماض الأعين ...

ذات وجه عابر يلتمس براءة الأطفال وأشجان مرتوية
بماء ورد مكنونة بجسدها المنعم ! وخصلات شعرها التي

تنحني على وجتيها ليصل عمقه إلى قدميها شديدة السواد

...

فهي تكن بذات الشقراء السوداء ...

ليلامس يداها شخصاً لا تعرف من هو ولكن إذا رأيته
حسبته من ذوي الأجساد العميقة تتصف بالفتوى والنظرة
الشديدة ... هو فقط ليس كما رأيته ...

تستخلص حياته بحبها له

ظل يداعب أنامل أصابعها تلك في سكون تام حتي
لا يوقظها من ثباتها فهي كملاك ، كالقمر شديد النضاعة
والبياض

لترتجف أناملها عند ملامسته لها ... لينزع يداها سريعاً
في غضون لحظات مسرعة ... لترفع يداها تحاول ملامسة
وجهه العابس بحزنه بها ... ولكنه أبى بصوت هادئ
يعبر عن حالته المأساوية ...

- لا ... مش ينفع ...

لتقوم متلهفة عند سماعها صوته فقد إشتاقت كثيراً
للإنصات إلى أحد ذو روح عذبة ... بصوت متمم مبوح

- إنت موجود فين؟ أنا مش حاسة بيك ... ممكن
تيجي تعقد جمبي ...

هو يارتباك ...

بعدين ... دلوقتي مش مسموح خالص تعرفيني ...
هي بتهكم بنظراتها الملتوية في البحث عنه في ظلامها
الدامس الخاص به ...

- طب عرفيني إسمك حتي ... أنا سجي ...
هو بنبرة حادة ...

- عارف ... بس مستحيل تعرفي إسمي إي!
هي بحزن بدا

علي وجهها بروح طفولية ...

- بس إنت معايا من مدة ... وعارفني وعارف إسمي
... ليه ما أعرفكش انت كمان ... لتكمل بتنهيده منها
لتفرغ ما بصدرها من ألم ...

- طب حتي ألس وشك ... أتخيل شكلك ... مش
عاوزاك تفضل مجهول بالنسبة ليا ...

ولكنها هممت بدمع خفيف علي وجنتيها ...

- مشيت وسيتني كالعادة ...

وتم غلق باب غرفتها في قوة وعجالة ... لا نعرف من هو سوى شخص شرس ... شهره المال والنفوذ والسلطة ... كبريائه لا مثيل له ... فلا يسمح بمنازعة من أحد ولا يقبل أي انتقاد ... ذو عيون سوداء، طويل القامة عريض المنكبين ... لا يستطيع أحد تخطيه ... إلا ويُقتل ... ثم رأى تلك الطفله البريئة أمامه ولأول مرة يراها ... لا يعرف عنها سوى ... أنها عمياء ... فنازع في فتور وقوة خصلات شعرها تلك ... ليجذبها أرضاً أمامه ... لتهمهم بصوت مبجوح من آلام جسدها التي استشعرت بها مما أثار جدله عند إنصاته لها لقولها الخافت ...

- إنت مين ؟

ليبدأ بوضع يداها على وجهه الاشقر هذا ... مع ضغطه المتواصل على وجنتيها الحمراء ... بنبرة قوية تدل على قوة شخصيته ...

- أنا جوزك ي حلوه ... ليتركها من يدها بغضب ... وأخرتها أنا أتجوز عمياء ... ليقرب منها أكثر بوجهه

الذى يحمل ملامح قاسية... عارفه يعني إي عمياء؟ يعني
واحدة ما بتشوفيش... يعني هعيش معاكي غصبا عني
وانتي أساسا م فكيش حاجه تستفاد منك... ليجذبها من
خصلات شعرها مع رفع وجهها لأعلي... أصلي هعمل
بيكي إي وإنتي عمياء ها...

ثم بقوته يدفعها بحذو الجدار... لتغمض عيناها
بصوتها المنعم تشكو من آلامها...

ليتمعن بها أكثر بحديثه العابر المتناثر غير مبالي بما
فعله بها بصوت أجشن..

- أوعى تفتكري إنك هتعيشي بنعيم معايا... دا إنت
حته جاريه عندي... وهفضل تحت رحمتي...

علشان يجوزوني ليكي غصبا عني... ليكمل مع انفاسه
المقاربة بها من شدة الغضب...

- أنا فهد بيه... أتجوز من واحدة عمياء!... إلام
وريتك النجوم في عز الظهر... ما أبقاش أنا إسمي فهد
... ليزجر خارجاً من غرفته مع سيره المتواصل الذي يكاد
أن يقتلع الأرض من مكانها بذبذباته القوية...

لتعلو خطواته من علي الدرج ليستوقفه والده بصوت
ملغم بالخشونة ...

- إي ... شفتها ي بني ...

هو بصوت مبحوح يستطرد ..

- أديني عاملت ال عليا وإتجوزتها ...

مكملاً بإستنكار ... أنا فهد. ال الكل بينحني ليه ! ...
أتجوز عمياء ...

والده بهمس لأذنيه تلك بكلمات تعي الانصياع ...

- إستمحل ي فهد علشان خاطر أبوك ... المصلحه
تخلص .. وأخلص منها زي ما تحب

وتتعالى صوت ضحكات امرأه كادت أن تقتلع ضلوعها
من سعادتها ... يبدو عليها الذكاء والبهاء ... كثرة الحديث
... تحب التفاخر بأي شئ تملكه سوي سجي ... إنه أخ
زوجها ... لتخاطب زوجها بكلمات تدل علي سعادتها ...

- وخلصنا منها ي ممدوح ...

هو بقليل من الابتسامة ...

- مرتاحه كدا ي سعاد ؟ ...

هي بنظره ثاقبة مع تمايل جسدها بالحديث ...

- طبعا ... الحمد لله غارت بستين داهيه ، إلهي م ترجع
تاني ... تروح في سكه ال ما يرجعيش ي رب ...

الفصل الثاني

ألم

وتحاول سجي الوقوف علي قدميها مرادفة بساعديها
علي الجدار وهي يكاد صوتها ينبح بألم لندلف لها امرأة
في ال ٣٠ من عمرها مرادفة ...

- أنسه سجي ... لتتملقها بنظرات حزن على ما حدث
لها في صمت ...

لتنهذ تنهيدة ألم مع إنذراف دمع علي وجنتيها الورديتين ...
- أنا كويسه ... لتكمل مع تلثمها بالحديث ورفع ذراعها
مشيرة لـها نحو مرقد نومها وديني .. هناك إذا سمحتي ...
لتجذبها بساعدها الرقيق إلي الأمام قليلاً لتصل إليه مع
جلوسها بهدوء ... لتشفق ذات الخادمة عليها وعلى حالها
مرادفه ...

- إي ال وقعك الوقعه المنيله دي بس ي ستي ...
- لتملقها بعيناها الزرقاوتين التي أصابها الجمود من
كثرة بكائها بإبتسامة هادئة ...
- قضاء وقدر أنستي ...
- لتبسم مع إتساع حدقة عيناها ...
- مدام حسنيه ي أنسه سجي ...
- لتوما رأسها لها قليلاً ... بترادف حديثها متسائلة ...
- إنتي بتشتغلي هنا. بقالك كتير يا حسنيه
- لتجلس بجوارها ... بحزن ..
- من زمان ياستي ...
- لتراقبها بأذناها بإنصياع لها ...
- علي كدا عارفه كل حاجه هنا ي حسنيه ...
- أه كل صغيره وكبيره أنا بقالى ٣ سنين ي ستي ...
- وعرفتى أنا مين ...
- الأنسه سجي لتردف بحزن ... زوجه فهد بيه ...
- ومالك زعلانه كدا ليه ؟

لتزال تنظر لها بشفقة أكثر مع علمها أنها عمياء لن تر
حزنها الذي علي وجهها ...

- أصل يا ستي ... إنتي وقعتي في إيد ال م بيرحمش

لتبتسم إبتسامة رضا ...

- قدر ما شاء فعل ... أكيد خير يا حسنيه ...

لتتعجب من ثباتها هذا ...

- إزاي خير يا ستي ... وإنتي هنا هتشوفي تعب وعذاب
مش شفتيه قبل كدا ...

لتلامس أناملها قائلة ...

- هسألك سؤال ... ليه استحملتهم لحد الوقتي ؟ ...

- علشان الفلوس طبعاً ...

- حلو ... السبب الفلوس هو ال خلاكي مستحتملاهم
ولا في حاجه تانيه ؟

- لا أبدا .

الفلوس بس

لتوما برأسها لتبرهن لها أن حديثها صحيح ...

- الفلوس كل حاجه ... وهو بقا السبب ال جابني هنا ...
هي بتعجب ...
- إنتي عاوزه فلوسه ؟
- لا مش كدا ... لتكمل بأنين .. ما علينا ... نورتيني يا
حسينه روعي دلوقتي هنام شويه ...
- ماشي ياستي ... لو إحتاجتيني بحاجه ناديني ...
- حاضر ... لتقم بسحب غطائها وتضع أطراف أصابعها
على وجتيها ... لتقول بصوت يحمل الكثير من الآلام ...
- صبرا آل ياسر فإن موعدكم الجنة

وتأهب الشركة بكمال أعمالها بهدوء متناغم لترحب
بظهور فهد الدمنهوري ...

ليدلف إلي الشركه بفتور وكبرياء ونظراته الشرهة
ليرادف مكتبه في أتم الإستعداد ليتحرك بكرسيه المتحرك
نحو مكتبه مع ضبط ساعديه وكبح أزرر بذلته السوداء
... ليقاطعه قدوم فتاة في منتصف عمرها ذات الخامسة
والعشرون من عمرها ... لتعطيه بعض الأوراق الخاصه
بالشركه تلك قائلة: ...

- إتفضل يافندم ... دي أوراق المطلوبه للصفقه ...
 ليعقد ساعديه خلف رأسه متناغماً بأنين ...
- ماشي يا جهاد ... إبعتي ليهم بقا يجولي هنا المكتب
 نتمم العقود والبيانات ...
- حاضر يافندم ... لتذهب إلي الخارج ولكن قبل أن
 تتبع خطواتها قاطعته ...
- آه يافندم ... أخو حضرتك جه الشركه من بدري
 وكان عاوزك لحاجه مهمه ...
- ليعقد حاجبيه قليلاً بتساؤل ...
- عاوز إي هو كمان ؟
- مش عارفه يافندم ...
- تمام خليه يجلي هنا ...
- حاضر ... عن إذنك ...
- ليتعجب أكثر من فعل أخاه وعدم إنصياعه للحديث
 قبلاً ... ليقاطع شروده تعقب أخاه له بجلوسه أمامه
 ذات اللحية الخفيفة ووجهه المتناثر بالبياض قليلاً وعيناه
 السوداء ذو خلق وإلتزام جذاب الطبع لا يبدو مثل أخاه

نهائياً ولكنه في السادس والعشرون من عمره يصغر أخاه
بسنة... ليرادف

مع جلوسه أمامه بصوتا هادئا ...

- صباح الخير يا فهد...

ليتملقه بنظراته مع عدم صبر ...

- عاوز آي سيف ...

هو بمزاح ...

- إي يا عم مالك ... متترفز من الصبح كداليه؟ ما

تصبح كدا وتقول يا صبح الله ...

ليهم قائماً جالساً أمامه مع تعقبه لحديثه ...

- وقعت ورطه سوده بعيد عنك ...

ليتفهم حقيقه شعوره هذا وقد بدأ الإنصياع له ...

- أكيد علشان إتجوزت صح؟

- وجوازه شؤم بعيد عنك ...

- ياشيخ إستحمل هتعمل إي يعني ... بس الغريب في

الموضوع إنك ليك كبرياء وعظمه عند الكل وقدام أبوك

إنصياع تام ولسانك دا كأنه إتقطع ...

ليعقد حاجبيه مرادفاً ...

- ما إنت مش حاسس عليك حاجه ... إنت في بيت
وإحنا في بيت ثاني ...

ليوماً رأسه بحزن ...

- عندك حق ... بس إنت عارف إن أبوك هو السبب ...
هو ال إتجوز مامتك عينه زايغه ...

- ما إنت عارف ال فيها ... أبويا إتجوز أمي ليخلف
ومامتك علي ذمته ورضيت بنصيبها ... وخلفتني أنا ...
وبعدها ...

ليقاطعه مع ترادف حديثه المتواصل ...

- ومش كتتم عارفين إن أمي هتخلف بعدها ... عارف
... وعارف كمان إنه مش بمزاجي إني ماقعدش م بابا بس
أمي فضلت تعقد بيتها معززه مكرمه ومش ينفع أسيب
ماما إنت عارف

ليربت له علي كتفه ...

- هنعمل إي نصينا ... ليرادف بجديه ... يلا بقا قولي
إنت كنت جاي ليه ؟

- مفيش يا سيدي ... أنا مكتبي جمبك ... ومحتاج
سكرتيراه زي زيك بالظبط ... مش تنسي إن ليا النص وإن
ليك النص ...

- عارف ... بس عاوز السكرتيرة مواصفاتها إي ...

وما زالت سجي تصلي وتدعي ربها في صمت تام ...
ليقاطع صلاتها ذاك المجهول هي التي أعطته ذلك
الاسم ... قائلة:

- إنت موجود صح ؟

ليستأنف متناغماً بحديثه العذب ...

- ومعاكي عالطول يا سجي ...

لترسم

إبتسامتها كالأطفال ...

- وعاوزاك جمبي عالطول ...

لتلامس يده أناملها لتلامس قلبها أولاً ثم وجنتيها حمراً ...

- ما تقلقيش ... أنا جمبك ...

ليتسارع حزنها مع إبتسامتها لتختفي ...

- بس أنا عاوزه أعرفك ... عاوزه أعرف إنت مين ...

ليهمهم بتخافت الحديث ...

- إنتي عارفه ... إنه ماينفعش ياسجي ...

- بس إنت عارف عني كل حاجه ... إقتحمت حياتي

فجأة ... وحببت إقتحامك فيها ... ليه مش عاوزني

أعرفك ... مختفي ليه في ظلامي ... إنت الوحيد ال حسيت

معاها بالنور ...

ليه مش عاوزني حتي أعرف إنت مين ؟

الفصل الثالث

غموض

همهمت سجي بتلك الكلمات في حزن علي أمل رده
عليها الذي يريح قلبها من هذا الفضول....ومعرفة
الشخص المجهول...ولكن سرعان ما تنهدت بصوت
يسمع الأذان مرادفه... وكالعادة مشيت يا مجهولي....
قاطعتها دخول الخادمة حسنية في صمت... لترادف...

- أنسه سجي... المدام عوزاكي... لتتعجب من حديثها
هذا مع العلم أنها لم تلاحظ دلوفها من حيث أتت لهذا
المنزل الغريب... لتخطو حسنية لمساعدتها في القيام بتناغم
وهدوء لتلامس أناملها حذو الجدار لتتكون صورة خيالية
لتلك الغرفة...حتى تخطو إلي الدرج وكادت أن تسقط
لولا إنكباس أصابع الخادمة جيذا في ساعدها الرقيق....

وما إن تحطت الدرج... أصغت أذنها إلى صوت قد إقتلع قلبها من مكانه من حدة الصوت وزادت ضربات قلبها وتوترها مما أثار جدها حول المكوث هنا بذاك المنزل... لترادف بعض الكلمات إلى أسماعها من إمرأه حاده الطبع والتعامل مع الأنس كثيره الرياء والتفاخر بملاذها الوحيد الذي تنجر دفاعها نحوه وهو المال... جميله نوعا ما عمرها فوق الأربعين عاما...

-إنتي بقا سجي ال بيتكلموا عليها؟ ليتقاطع حديث سجي قليلا...

-أيوا... أنا سجي يا مدام

لتتأنف تلك المرأه بنظرات حاده...

-وبدالك عارفه إنك سجي... خليتي حسنيه تمسك إيدك ليه؟ علي إني سمعت إن موضوع العمي مش عقبه بحياتك...

لترادف نحو صوتها ناظره لها مع صوتها المنعم....

-علشان أعرف المكان كويس يا مدام... أول مره أجي هنا! وحضرتك عارفه....

ليدوا عليها بعض الغضب من رده فعلها مرادفه
بيعض الحديث المؤلم ...

- مش كفايه إنك عاميه وواخدينك بعمالي .. جايه
تردي عليا هنا كمان وتقولي مكان جديد ... لتكمل
بكبرياء ... إنتي ال زيك مش

مش إلا إنهم يكونوا تحت رجلينا وندوس عليهم
بالجزمه كمان وما يفتحوش بؤهم بكلمه ...
هي مقاطعه

- ما أقصدتش بس ...

لتعقبها بصراخ عصيب ...

- م ييش .. إنتي جايه تعلميني هنا ولا إي ؟ ... يلا
إنجري من هنا روعي المطبخ شوفي في إي ... لتكمل
بنظراتها إلي حسنيه ...

يلا خديها من هنا يا حسنيه ...

لتنزع سجي يدي حسنيه بهدوء لتخطو بضع خطوات
أمام تلك المرأة مع حديثها المهذب وبنظرات تدل علي
قوتها ...

- زي ما ليكي كرامه ... زي ما ليكي عين إيدين رجلين
... زي ما ليكي فلوس وسلطه ونفوذ ... أنا كمان ليا زي
زيك بالظبط ... حتي النفوذ السلطه عندي بس الفرق لله
عز وجل مش للفلوس يامدام ... لتعقبها مكمله ... وكلنا
سواسيه أمام الله ... فمش تحطي نفسك مقارنه مع حد ...
لتعلو بصوتها قليلا ... حسنيه ...

لتأتي لها مسرعه ...

- نعم يا ستي !

- خديني من هنا للمطبخ ... المكان مش بقا ظريف ...

لتجذبها إلى الأمام تخطو خطواتها لتهمس لها حسنيه ...

- الله عليك يا ستي ... ما كنتش أعرف إنك قويه
كدا ... لتبتسم سجي إبتسامه طفيفه إذا رأيتهما ظننت أنها
تتدبر أمراً غير متوقع

وفي تلك اللحظة ...

كانت هناك فتاة تجلس علي مرقد نومها تتصفح
حاسوبها ... ذات ال الثاني والعشرين من عمرها ... ذات

شعر بني قصير ... وعينان ملهتمان لكل من رأها لتسقط
أسير عشق عيناها فهما واسعتان كثيره السواد ... تتناغم
أناملها مع الحاسوب ... كثيرة الذكاء والدهاء ... ليقاطعها
طرق الباب ...

- إدخال ... لتقم بالدخول فتاة أخرى ذات العشرين
من عمرها ... ييدو على وجهها السعادة لتندلف بجوارها
معاندة بغلق حاسوبها الذي تنغمس فيه ...

تتذمر سارة مخاطبة أختها ...

-إي ال عملتيه دا ي جزمه ...

هي بصوت مسموع تتلاعب

سعادتها بألستها في الحديث ...

-سجي مشيت من البيت أخيرا ياساره ...

لتضع معصمها علي ركبتيها بعدم صبر ...

-عرفنا ... عاوزه حاجه تانيه ...

تتذمر من ردة فعلها ...

- مالك يا بتتي مش طيقانا كدا ليه ؟

لتقوم مع عقد ساعديها إلى صدرها ...

- طايقه ولا مش طايقه ملكيش فيه ياسهيله ...

لتتعجب من حديثها البغيض ...

- في إي ياساره ... من ساعه ما سجي مشيت وإنتي

مش بتكلمي خالص ... حابسه نفسك بأوضتك ...

- ياستي أنا حره ملكيش دعوه ...

تعقد حاجبيها نافية ...

- مش سيباكي كدا... أنا أختك ... ولازم أعرف مالك

في إي ؟

قالت ذلك وهي تشدد على معصمها الأيمن ... لتبادر

سارة بنزع أناملها ... التي آلامتها بغضب ...

- ودي حاجه خاصه بيا ياسهيله ... وبعدين من إمتي

وإنتي أختي ؟ كل واحده في ناحيه بعيده عن الثانيه ... مش

كفايا عملتوا ال في دماغكوا وطلعتوا سجي من البيت ...

عاوزين إي تاني بقا ...

لتهمس لها في أذنها بحديث يعي الإنصياح ...

- خليكي فاكهه .. معاملتك دي ... ماشي ...

قالت ذلك بتحذير .. لتعقب خروجها من الغرفة ...

لتسقط سارة على مرقدها مع وضع أطراف أصابعها
على ثغرتها .. حتي لا تسمع شهقة بكائها في صمت ...

الفصل الرابع

كيد امرأة

لتخطو سهيلة على الدرج وهي كثيرة التذمر لتقابل
أخاها ذا الرابع والعشرين من عمره... بإبتسامة عابرة...
تغير وجهه في ذهول من أخته وتذمرها...

- حيلك ... مالك يابنتي في إي ؟

لتملقه ببعض النظرات في صراع من أمرها ...

- دا كله ومش عارف ... في إي ؟

ليستنكر ردودها تلك ...

- لا طبعاً ما أعرفش ... هو أنا لو عرفت كنت سألتك
أصلاً ...

- روح شوف أختك دي أنا تعبت معها ..

البيت كله فرحان إن سجي مشيت وهي عليها تزعقلي
وتطرمني من الأوضه ...

- ياستي إنتي عارفه أختك ... كانت متعلقه

بسجي إزاي .. وبعدين ياسهيله مش سهله إن هي
تشوفها بعيد عنها وفي بيت حد تاني ومش معاها ...
لتعقد ذراعيها مع إهتزاز جسدها من إنفعالها ...

- هي حباها علي إي دي مش عارفه ... دي عاميه عارف
يعني إي عاميه يانور ..

الناس كلت وشنا بسببها ...

ليهدأ من روعها مربتاً على كتفها ...

- إهدي ... إن شاء الله خير ...

- ومنين هيجي الخير طول ما هي حاطه سجي في
دماغها ؟ ...

- ياستي ... فكك .. ما تحطيش بدماغك ... هي شويه
وهتروق ...

لتلمح له بحديثها المتناثر ببعض الكلمات القاسية ...

- ما تكلمنيش إنت ... عن إزاي أفك ولا ما أحطش في
دماغي ... كنت عملتها إنت يا حلو بعد ما بابا وماما ال
عملوه فيك ... إنت آخر واحد يتكلم ماشي !

تقف سجي وهي تقطع الطماطم بهدوء وتناغم حتى لا
تصيبها تلك السكين الحادة .. لتخاطبها حسنيه ...

- عنك ياستي ... خايفه عليكي لتتعوري ..

- لا ما تخفيش عليا ... أنا متعوده وعارفه أعمل إي ...

- طيب ياستي ... هروح أودي العصير دا للمدام ...
عن إذنك ...

تعدد خطواتها إلي الأمام ليبدأ جسدها بالاهتزاز عند
قدوم فهد من الخارج حتي كادت أن تتعثر خطواتها لولا
تماسكها ثم وضعت العصير بسكون ...

- إتفضلي ياستي ...

- روعي إنتي دلوقتي يا حسنيه

- حاضر ...

ليجلس فهد أمامها ... مع ملاحظته لتذمرها ووجهها
الحزين ...

- مالك يا ماما

- مفيش يابني ...

لتجلس بجوارها مع خطو أنامله على وجه والدته ..

- في إي ياماما ... زعلانه ليه ؟

لتصطنع الحديث ...

- مش عارفه والله. يابني ...

يبدو عليه أنه قد فهم الأمر ولكنه كان يحتاج تأكيداً
منها ...

- إي ال حصل يا ماما ... خلي وشك كدا ...

- بص من الآخر ... البت مراتك دي هي السبب ...

- ليه ؟ عملت إي !

- كلمتها بهدوء

ومعاملتي كانت معاها حلوه .. لقيتها طاحت فيا
وزعقتلي ولا حتي سلمت عليا ...

ليغضب من قولها قائماً...

لتلامس يدها أطراف أصابعها بصوت يبدو عليه الحزن...

- رايح فين يا بني ...

ليعقد حاجيه بصراخ ...

- مين دي ياماما علشان تكلمك كدا ؟

- إهدا يا فهد أنا مسمحاها ...

- لو إنتي مسمحاها يبقي دي حاجه ترجعلك إنتي ...

علشان قلبك كبير ...

بس أنا ما أسمحش بكدا أبدا

ويدخل سيف إلي المنزل بهدوء ... لتأهب والدته

بالعناق الكبير ...

- آه يا بني ... وحشتني ...

ليتعجب من حديثها المعتاد ... مع علمه ... أنها تكرر

هذا يومياً ... وهو يستعجبها مرادفاً ...

- يا ماما يا حبيتي ... أنا كنت معاك في الصبح ... لازم

وحشتني دي يعني ...

- ليعقب حديثها هذا جلوسه علي الأريكة ...
- وفي إي يعني ... مش إبنني الوحيد!
- ما تخافيش يا ماما أنا كويس وزى البومب أهو ...
- حصلني حاجه يعني!
- لا يا حبيبي ... بس إنت عارف إن مليش إلا غيرك
- يا بنبني ...
- ليقبل رأسها
- ربنا ما يحرمني من حنانك ياست الكل
- هي بجدية ...
- ها ... قولي أخبار الشركه إي؟
- كويسه يا ماما ... بس الشغل ثقيل شويه ...
- الله ... هو أخوك سيبلك الشغل كله؟
- لا يا ماما ... بس انا حاسس نفسي متلخبط وكدا ...
- فلشان كدا كلمته ... يشوفي سكرتيره ...
- لتملقه بإتساع حدقة عيناها ...
- نعم ...

- إي يا ماما قلت حاجه غلط ؟
- لا يا بني بس ... سكرتيره وتتعامل معاها ؟ يعني ...
- آه خايفه تلاوع معايا يعني ؟ ما تخفيش عليا ... أنا طالب سكرتيره بمواصفات حاده جدا ...
- وهتلاقي ال بتقول عليه ...
- مش عارف ياماما ... بس إدعيلي ...
- دعواتي معاك يا بني ... بس خايفه عليك ...
- من إي بس ..
- من أخوك فهد ... إنت عارف إنه مش سهل ...
- عارف
- ياماما ... بس مهما كان أخويا
- بس دا ما يمنعش تحرص منه بردوا ... ما تنساش أمه عملت معانا إي ...
- وإي علاقه أمه في الموضوع بس
- ليها علاقه ونص ... إنت عارف إنه إبنها يعني حته منها ... نسخه طبق الأصل من أمه ..

- كل شخصيه بتفرق يا ماما ...

- ولو ... أنا مش قادره أنسي أمه وال عملته ...

في الشقة المقابلة ... لمنزل سيف ...

تقف على النافذة سارة تتابع نسائم الهواء على وجنتيها ...

مع مراقبتها لمنزل سيف في صمت يدور علي ما بقلبها
من عذاب ... لعدم إيجاد طريقة مناسبة في البوح لما بقلبها
لسيف ... لينهمر دمعها على خديها ... مرادفة ..

- لو سجي هنا ... كانت قالتلي أعمل إي ... علشان
أكسب قلبه ... وخصوصا إن هو مش مديني أي إهتمام
خالص

ويكمل حديثه ...

- هي فين يا ماما ...

- يابني إهدا بقا

- مش هادي ... سجي فين ؟

- في المطبخ

ليترك والدته وتكاد عيناه تقتلع من مكانها من شدة
الغضب لولا أن رآها في المطبخ وهي تعمل علي طهو
الطعام بهدوء ...

ليمنعه شيئاً ما من صفعها

الفصل الخامس

صدام

فحين رآها تصلبت قدماء لا تكاد أن تندلف نحوها ...
 تجمدت عروقه ... تنورت عيناه وبدأت باللمعان ... يداه
 كانت كالقبضة الحديدية ... ولكن سرعان ما أرخيت إلي
 الأنامل المتعددة ... لسانه قد عجز عن وصف ما حدث
 له ... حين أصغيت أسمعه إلى والدته وهي تحذو أطراف
 أصابعها على كتفه قائلة ...

- إي يا فهد مالك ... واقف كذا ليه ...

ولكنه لم يجبها إطلاقاً فحدقة عيناه تتسع أكثر فأكثر ...
 لتلمس ألسنته تلك ... فتتعجب والدته من عدم حديثه
 جيداً وتقاطععه في كلامه ... فلم يقل إلا ...

- أنا ... ما عرفش ...

لتقف أمامه لترى وجهه الذي تسمرت وجنتاه
وأصبحت كالجمود لا يمس لها أيدي فهي كالصلب
... حاولت صفعه بضربة كفها ولكنه أبى أن يجيها ...
لتسقط جميع الكلمات على تعابير وجهها .. فلا تعلم ...
أهو بخير أم لا ... أم نائماً على هيئة شخص مستيقظ ... أم
ترك جسده لتحوم روحه في مكان آخر ... لتقترب إلى عيناه
وما زالت في حالة ذهول ... لترآه قد إنجرفت حدقتها إلى
ما تسمى ... بسجي ... لتلتفت لها ... وهي ساكنة هدوء
الليل ... لتجدها ... تقف وهي ترتل بعض التريلات
العذبة بصوتها المنعم « قال الله تعالى » ... (فإنها لا تعمي
الأبصار ولكن تعمي القلوب التي في الصدور)

لترادف نحوها بأخذ السكين من يداها فجأة ... لترسم
في مخيلاتها ... أنها حسنيه مرادفة ...

- حسنيه ؟ ... معقبة بتناغم الكلام ...

ما تخفيش علياً أنا كويسه ... هاتي السكين لازم أكمل
تقطيع البصل ... لتمد أناملها لأخذ السكين منها ...

ولكن سرعان ما تسقطها من يداها بعيداً وهي غاضبة
غضب الموج والعاصفة

- إي ال بتعمليه دا يا عاميه ...

قالت ذلك بإستحقار من شأنها ...

لتلتزم سجي الصمت ثم بإبتسامة طفيفة ...

- بطبخ يا مدام ...

- وإزاي تتسابي هنا لوحداك ... إفرض لو ولعتي في
البيت ولا حاجه ...

- ما تخافيش يا مدام ... حسنيه عرفتني كل حاجه
وبعدين مش إنتي ال قلتني إطبخي ... وشوفي المطبخ عاوز
إي ...

ليتنفخ وجهها من شدة الغضب لتدلف إلي فهد وهو
ما زال متسماً في مكانه ... لتعقبه بضربة على ذراعيه
... ليستفيق على تلك الضربة ناظراً لوالدته بكل برود ...

- أيوا يا ماما عاوزه. حاجه ؟ ...

- شوفوا الواد ... إي يلا كنت فين ... البنت أهانتني
للمره الثانيه وردت عليا وإننت واقف ساكت ...

لتسارع براكين الغضب على وجهه ليدلف نحوها بكفا
من يداه الثقيلة تسقطها أرضا ... لينحدر خصلات شعرها
جانباً علي قدميه ... لينظر إلي يداه التي ضربها بها ... حين
إنفطر قلبه عند رؤيتها بهذا الوضع ... لتتملق عيناه أكثر
إلي شعرها الحريري الأسود الذي يصل من منبت رأسها إلي
قدميها ... ثم يغادر سريعا وهو لا يعلم ماذا حدث له

وبعد أيام

إلتمس خروج سيف من منزله هرع والدته عليه
فجأة ... ليق كما هو عليه علي الدرج ...

- أيوا يا ماما ...

قال ذلك بفتور وملل ...

- إخص عليك ... دي معامله تعاملني بيها ...

- لا ياماما بس إنتي عارفه إن دا معادي في الشغل
وماينفعش أتأخر....

- طب خد ساندويشاتك معاك ... إنت مفطرتش ...

- ي روح قلبي ... ساندويشات إي ال أخدها بس ... هو
أنا بقيت صغير يا ماما

- معلش ... بس إنت مفطرتش كويس ...

- وفيها إي يا ماما ... هكمل فطاري في المكتب ...

- نعم ... تكمل إي ... وتاكل أكل من برا البيت وتتعب
... ويجيلك أنفلونزا!؟

ليطرق كلتا يده علي بعضهما

البعض ...

- أنفلونزا إي بس يا ماما ... هو أنا عيل صغير ... دي
للأطفال ...

لتضع علبة الساندويشات بيديه معقبة ...

- خايفه عليك يا روح ماما ... خدهم بقا علشاني ...
ليتنهذ تنهيدة سريعة ...
- حاضر يا ماما ... ممكن أمشي بقا ...
لتقبله على وجنتيه ..
- مع السلامه يا قلب ماما ...
ليفتح باب سيارته ثم يُلقي ساندويشاته جانباً ... ليخرج
بالسيارة خارج منزله ... تستتوقفه سهيلة لتحملق له
ببعض النظرات ... من نافذة السيارة ...
- إي يا بشمهندس رايح فين ؟ ...
لتداعب أناملها خصلات شعره بخجل ...
- يعني ... رايح الشغل ...
- طب خدني معاك ... الكليه ... مفيش تاكسيات
الصبح ...
ليتردد قليلاً ثم ..
- أه ... إتفضلي ...

لتركب بجواره ... ثم تنطلق السيارة... ليعقبها قدوم
سارة لأختها وهي تنظر إلى حقيبتها مرادفة ...
- ها لقيتي تاكسي ...

لتعلو ببصرها ولا تجدها حيثما كانت واقفة ... لتلاحظ
سيارة على بعد كام متر وقد راقبت تلك السيارة جيداً فهي
لن تخطأ بسيارة زوجها المستقبلي (سيف) ... فلمحت
أطراف يداها على نافذة تلك السيارة ... لتتسع حدقة
عينها ... وهي تضع أناملها علي لثتها مرادفة ...

- أه ... يا بنت المستخيه ... بتركي مع جوزي ال هيبقي
جوزي ... ال هو أنا ال هابقي مراته ... ومش عملتها ...
لتضع هاتفها سريعاً في حقيبتها ... لتتمعن جيداً خلفها
لتجد سيارة أجره قادمة من بعيد لتلوح له ... ثم تركب
سريعاً وهي متلهفة ...

- ورا العربية دي قوام يا أسطي

بتستقر ضيني يا بنت المستقرضه إلا ما وريتك ...

في تلك اللحظة

كان نور يجلس في النادي وهو شاردًا قليلاً لتلتمس
يداه ذقنه بتنهيدة تبوح بالآلامه التي لم يعلمها أحد غيره
... ليعقب شروده صديقه علاء جالسا بجواره ...

- إي

يا دكتور ... هتفضل سرحان كذا كثير

ليتسم إبتسامة شاحبة ... بصوت خافت ..

- أهو ... ماشي الحال ...

يتعجب من رده ...

- أي ماشي الحال دي ... أنا بسألك هتفضل كذا كثير

يعني ...

- مش عارف يا علاء

- مش عارف إي بقا... كذا غلط عليك يا نور ...

التفكير الكثير هيخليك تكره حياتك ... إسألني أنا ...

مش عاوزك تغلط نفس الغلطه يا نور ...

- ما تقلقش عليا ... أنا كويس ...

ليتمعن أكثر إلى حاله ثم يحزن ...

- كنت زيك كدا ... بفكر فيها عالطول ... ليل نهار ...

كنت بموت في اللحظة ال أشوفها بعيدة عني ... ليقاطعه ...

- إي ال عرفك إن ال سرحت فيها واحده بنت ؟



الفصل السادس

روح

تابع صديقه بتنهيده أفرغت ما بداخل صدره بإبتسامة
هادئة تصف حاله قليلاً... ..

- طبعي أعرف ... لأنني مجرب نفس إحساسك
وعارف النوع دا من سرحان ... بتبقي في عالم ثاني خالص
غير ال إنت فيه ... ليكمل مرتبطاً على كتفه ...

أنصحك ... ما تغلطش نفس غلطتي ... وتفكر كثير...
لو بتحبها قولها ... ما تضعيهاش من إيدك يا نور ...

ليعقب حديثه مغادراً ... ليتملق بنظره إليه ... وقد
علم مقصده من حديثه ... ولكن أعقب مرادفاً ...

- وهقلها إزاي وهي متجوزه أصلاً .

وتقف السيار أمام مبني كلية الآداب ليعقب بخروجها
آنسه سهيلة وهي تودع سيف بسعادة ثم تهم إلى الداخل
سريعاً ...

ليغادر سيف ... ثم خلفه سيارة الأجرة ... لترادف
سارة وهي تلقي بنظرها نحو أختها سهيلة ...

- ما عرفش ليه مشيتي وسييتني بس هعرف في إي لما
أروح ... لتأنف بنظرها إلى السائق ... إطلع ياوسطي

وبعد مرور ساعة ...

تجلس سارة أمام. مكتب. الشركة محدثة ذاتها

- الوظيفة دي حلم حياتي بجد ... ربنا يستر ... سمعت
إن صاحب الشركه صعب ...

لتتناغم أسماها حين مناداة إسمها ثم يرتجف قلبها في
صمت ... ضرباته تصارع الوقوف جيداً أمام ما رآته فهي
لم تعلم أن ذلك سيحدث ؟

تجلس سجي بالحديقة وقد غلبها ... حسن تأملها
وأنغامها بصوت العصافير ...

لتغمض عيناها مبتسمة ...

- كدا ما بتشوفيش ... بتغمضي عينك ليه ؟

لترادف بسمعها نحو ذاك الصوت ...

- إنت تاني ...

- أيوا ياستي أنا ... إي رأيك بالمفاجأ دي ؟

- مفاجأ إي بقا ... دا أنا بقيت أخاف تطلعي في الحمام ...

يضحك ضحكة خفيفة معقبا ...

- أعمل إي بقا ... وقتي محتم بكدا يا أنسه سجي ...

- وقتك ؟ هو إنت شغال إي ...

- للأسف دي حجات سريه ... ما ينفعش حد يعرفها

مولاتي ...

لتبتسم ابتسامة عالية ...

- مولاتي مره واحده ؟! ...

- أه طبعاً ... دا إنتي مولات الجميع وبما فيهم أنا ..
- طب ... بدالي مولاتك ... مش بتقولي علي إسمك
ليه ؟ ...
- أنا لسه قايلك من شوية ... دي أسرار .. ما ينفعش
حد يعرفها ...
- لتعقب بضحكة ...
- طب أنا مش حد أنا مولاتك ... وبأمرك يا عبدي
... تقولي إي إسمك
- بوجه يبدو عليه الحزن ...
- للأسف هعصي أوامرك يأنسه سجي ...
- حتي كدا ما ينفعش ...
- ليلامس أناملها التي استشعرت بها في قلبها أولاً ... ثم
بجسدها ... معقبا ..
- ما تخافيش أنا جنبك ... وعالطول جنبك ...
- أنا بس ال مديقني إنك عارف عني كل حاجه وأنا
ما عرفش أي حاجه

- لا ... ما تخميش ... إنتي عارفه صوتي ...

- أه عارفاه ... بس عاوزه أعرف إنت مين تحديدا

ليهمس بأذنها بكلمات تعي الإنصياح الشديد ...

- أنا عينك ال بتشوفي بيها ... ودانك ال بتسمعي بيها ...
 ... لسانك ال بتكلمي منه ... ابتسامتك ال بتطلع مع كل
 شمس تنور كل يوم ... روحك ال بهت وفجاءه ... نورتها
 من جديد ... خليتها تنط ... تعيش ... تعرف يعني إي
 حياه بجد ... بعد ما القدر لعب لعبته وخذ أهم حاجه
 فيكي ... عنيك ي ... رجليك ال بتمشي بيها في كل مكان
 ... إيدك لما ترسمي رسوماتك الجميله ... خدك ال يبحمر
 لما يسمع كلمه حلوه مني ... قلبك ال كل دقه فيه بتقول
 مجهول ... مجهول ... مجهول وبس ... وبعد دا كله تسألني
 أنا مين ؟ ... ليعقب بصوت خافت ... أنا النور

النور ياسجي

الفصل السابع

قلب

تم إغلاق مقبس الباب بإحكام ... تجمدت سارة حتي الهلع قد أصاب منبت رأسها إلي قدميها وأحست ببرود أنامل أصابعها وحادقة عيناها واسعة أكثر مما ينبغي وهي تربت يديها جيداً على أوراقها للتقدم للوظيفة ... مترددة في القდوم نحوه بعد ما رآته ولكنه كان منغمساً بإدارة أعماله ليقاطع شروده به صوته الرجولي الذي يدل علي قوة صرامته في العمل ...

- إتفضلي يا أنسه ... هخلص الورق دا ونتكلم ... حاولت الإندلاف نحوه ولكن قدماها قد أبت على التحرك ... وبدأ أنصباب العرق بغزارة علي وجتيها فظلت كشجرة تنتظر الماء لإرتوائها وتهدة أعصابها ... ليعلو بنظراته الحادة عليها فجأة ... ليتسمع صوت ضربات قلبها عالياً مع إسقاطه إلي قدميها ... من الهلع ..

بدا عليه الدهشة من وقفها تلك لكنه لم يعر لذلك
إهتماماً سوى ...

- إفضلي يا أنسه ...

بدأت أطرافها التحرك قليلا ببطء شديد وهو منغمس
بعمله .. حتي إنتصبت في جلستها مع إبتسامة خفيفه ..
تحاول أن تبدو بمظهر لائق ... يلفت الإنتباه .. وتصحيح
توترها الذي حدث من برهة ... ولكن قلبها أبى أن
يستجيب وما زال يصارع في ضرباته كأنه إستحكم قوته
ليوضع بين يدي سيف الذي إعتبرته زوجها المستقبلي ...
لهمهم بهممة خافتة ..

- ما تبطل بقا ... هتفضحني بضرباتك دي ...

يتعجب من هممتها تلك ..

- نعم .. قلتي حاجه

تتسارع كلماتها علي ألسنتها بعجل ..

- لا يا أفندم ...

تشقب نظراته إليها ... كأنه يريد إخبارها ... ليس من
السهل الوقوف أمامي ... ويبادر بحديثه المعتاد لكل فتاة
تخطو إليه ...

- إسمك إي يا أنسه ... وسنك !

تتقاطع نبرة صوتها ...

- أه ... ساره .. سني ٢٢ سنه ...

- تمام ... جيتي الشركه ليه ؟

تبتلع ريقها لتحدد إجابة مناسبة لسؤاله ...

سمعت عن شركتكم كثير وقريت عنها من كام يوم إن
هي طلبت سكرتيره وبمواصفات معينه ...

يتسأل بصوت هادئ ..

- إنتي متأكده إنك هتشتغلي هنا ...

تبتسم إبتسامة رضا ...

-كله بعلم الله يافندم ...بس أنا لو مش متأكده إن
المواصفات والشروط تنطبق عليا ما كنتش جيت ...
بس ال أعرفه إن كله حاجه وليها تفسير ... أكيد ربنا
مش جابني هنا من فراغ مثلاً ... أكيد ليديني رساله زي
رسايله المعتاده ... ومهما كان فهو خير

إستعجب أكثر من ردود حديثها اللبق وإبتسم إبتسامة
فخر وإعتزاز ليتصب قائماً ثم يغدو بالجلوس أمامها مع

وضع يده علي وجنتيه ليتمعن بها فقط ... تخجل من رد فعله ونظراته تلك ثم تخاطبه ...

- في حاجه يافندم ...

يستنكر مع تعابير وجهه ويده ...

- لا طبعاً مفيش ... بس أنا كنت بختبرك بالأسئلة دي ... بشوف رده فعلك إي ... ولو إجابتك دخلت مزاجي ...
كنتي هتتعييني ...

لتغير رسمه الابتسامة قليلاً ثم تقف مع حمل ملفها الشخصي ...

- تمام يافندم ... شكر الزوق حضرتك في التعامل معايا ...
- خدي هنا رايحه فين ...

- ما هو أنا إترفضت فأخرج بكرامتي أحسن ...
إرسمت ضحكة على شفثيه ثم جلس علي مكتبه معلنا ...
- إنتي الوحيد ال قلتي الإجابة ال أنا عاوزاها ...
- يعني

- بالظبط ... تقدري تبداي شغلك من دلوقتي لو حابه

تغمض عيناها من شدة الفرح تتبعها قفزتها البديهة
من سعادتها ...

- شكرا أوي ... لیتملقها بنظراته ..

لتجد أنها تصرفت بطفولية ...

- متأسفه ... عن إذنك .. تعقب بذلك خروجها من
المكتب .. ليضحك بسخرية ..

- شكلي عينت طفله

كان فهد في مكتبه كالمعتاد ... يراجع بعض أوراقه ولكنه
فجأة يلقي بها بعيداً ... وأنامله تلامس خصلات شعره
ليجذبها بيده مع صرخة منه تكاد أن تدمر المكتب فقط ...

تتأهب جهاد بالخطو إليه ...

- أيوا يا فهد بيه ...

هو بصوت أجشن رجولياً حاد ...

- إعمليلي فنجان قهوه بسرعه ...

هي بتوتر ...

- حاضر ... بس في إي ...

يعقب بصرخة منه كاد أن ينفجر من خلالها ...

- ما بیش ... قلت القهوة تيجي يعني تيجي ... وإلغي
أي حد يجي هنا ... مش عاوز أقابل حد فاهمه ...

- ح حاضر يا فندم

يتنهد الصعداء من فمه يحاول أن يهدأ من روعه
... ولكن عقله لا يستجيب ... ما زال يعبث بأفكاره ...
وتتصارع مع قلبه الذي كان دائماً خليف عقله بالمرصاد ...
يوحي إليه ... أنه مهما هرب ستعود رسومات حياته قبلاً
وبعداً إليه ...

تأمل قليلاً ... تلمعت نظراته الحادة الشرهة ... عند
شروده ... بإبتسامة سجي هذا الصباح ... فقد رآها وهي
تداعب العصفير بأناملها وهو يثقب كمة بأزرر قميصه ...
يتأنف مع إنتصاب عيناه نحوها ... لترتخي إبتسامته الخفيفة
إلى نظرات تأمل لجمالها الرائعة ... عيناها إنعكست لشمس
الصبح ... لمعت لمعان البريق بالألماس ... ثغرتها حمراء
كالأزهار ... خصلاتها تتلاعب مع الهواء ... يداها ناعمة
نعومة الحرير ..

وجهها قمراً ببهائه وإطلالته ... تبسم إبتسامة عالية ..
أظهرت لثتها البيضاء بثغرتها المكنونة ... لم يكن لديه فرار

فقد وقع قلبه منذ النظرة الأولى لها والتي كانت بالمطبخ أم
قبلاً كانت بالظلام لم يلحظ بها شيء ... أشاح بنظره عنها
وقد علم أن هذا الأمر لن يحدث وخصوصاً أنها عمياء
... ولكنه لم يعلم أن تلك العمياء الصغيره ... ستغزو قلبه
... بامتلاك روحه

أعقب دخول سهيلة قاعه المحاضرات وهي متأخرة
عن الموعد ... لتجد أخاها نور قد بدأ بشرح المحاضرة ...
حاولت إخفاء ذاتها عند الدخول ولكن أخاها لن يخطأ
بتركها هكذا ... إستوقفها فجأة ...

- كتي فين

انتصبت مكانها ثم أردفت ...

- متأسفه ... كنت في كافتيريا الجامعة

أردف بتحذير ...

- آخر مره ... إفضلي ...

إستعدت صديقتها في الجلوس بجوارها ... وتضع
حقيبتها جانباً ...

- إزيك يا نبيله ...

- إفضلي ... حجز تلك مكان ...
- متشكره ... داخل من زمان
- يعني من شويه ... إتاخرقي ليه ؟
- همست بصوت خافت ...
- ما إنتي عارفه ... كنت مع محمد ...
- محمد تاني يا سهيله ...
- تتناغم أطراف كلماتها بإسم محمد التي أردفت ...
- محمد ...
- أيوا محمد ... مالك بتقولها بسهولة كدا ليه ...
- أصلي بحبه ..
- تسخر منها معقبة ...
- ياختي شوفي واحد تاني تحبيه ... شوفي مثلاً دكتور
جامعه زي أخوكي كدا ... مش واحد صايع برابعه تجاره !
- تغمسها بمعصمها لتألم ...
- أي ... ليه كدا ، هو أنا قلت حاجه غلط لتغمزيني
كدا ! ...

- أه ... غلطتي بمحمد ... يا ستي أنا بحبه ...
- طيب ... براحتك ... أنا نصحتك وخلاص ...
- يقاطعهم صوت الدكتور فجأة ...
- سهيله ... نبيله ... إطلعوا برايلا ...
- سهيلة س بتدمر ...
- ليه بس ! هو طرد وخلاص ...
- أظن كلامي واضح ... برايلا منك ليها ...

الفصل الثامن

تذمر

تتأهب سهيلة بحمل حقيبتها وكتبها ونبيلة كذلك
خارجاً

هتفت نبيلة لها بصراخ ...

- ينفع المهزله دي ... أدينا إتپردنا

هي بعدم إكتراث ...

- يعني هي أول مره ...

- يا برودك يا شيخه ... دا أخوكي ... المفروض تحترميه

شو يه

- إحترام إي ... هو إحترمني الأول .. قبل ما يطردني

علشان أحترمه أنا ...

لتنهّد تنهيدة سريعة بعدم صبر ...

- أنا تعبت ببرودك دا والله ... إعملي ال تعمله ... أنا
مروحه ...

- إستني بس ... هتسبيني أروح لوحدي ...

قالت ذلك مع ضغطها بمعصم يدي نبيله ...

نزعه عنها بعدم إكتراث لها ...

- خلي محمد بيه يروحك ... عن إذنك

تركتها أمام قاعة محاضراتها في

صمت منها ... يقاطع الأجواء رنة هاتفها .. ترسم
سعادة على ملامحها ...

- ألو ... أيوا يا محمد ... لا .. مش في المحاضره .. أصلي

إنطردت ... إنطردت ليه ؟ ... هيكون ليه يعني ... علشان

بتكلم ياسيدي .. الدكتور نور أخويا ... لا ياخويا صدق ...

أخويا طردني وسبيلي الإخراج قدام الكل شفت !

في المنزل الكبير أو بمعني أخرى قصر الإمبراطور.
بمعني مجازياً قليلاً ...

تتهافت أقوال وأحاديث حوله ... في حديث متناغم
بشأنه تقوله تلك السيدة ... والددة فهد ... مع شرب فنجان
قهوتها وأخذ رشفة منها متابعة ...

- إحنا فكرنا بيع البيت الكبير دا ... أوزي ما يقولوا
قصر ... كرامتنا نقحت علينا ... وقلنا نحفظ بيه أحسن
.. لأنه تراث عائلي ... وسيناه وجينا قعدنا هنا ...
وخصوصاً إنه أقرب لشركه إبنى وشغل جوزي ...

لتجيبها امرأة قد بدا عليها علامات العجز والزوال ...
تتصف بذات الألسنة البذيئة .. فهي كونها في ال ٥٠ من
عمرها إلا أنها تلاعب الذي يحادثها بطريقه مأكرة نوعاً ما
... كثيرة الكلام متابعة أحوال رجال الأعمال ... بمعني
أدق ... قبيحة اللسان ...

- طب مفيش أي تنازل عن القصر دا ...

هي نافية ...

- للأسف لا ... هو يحمل شرف عيلتنا ... إنتي عارفه إننا أكابر خالص وعيلتنا في العالي ... فطيعي إننا مش نتنازل عن حاجه زي دي لأنها تمس كرامتنا أولاً ... وعيلتنا ثانيا ... لتؤمأ برأسها تبادلها الرأي ... ولكن سرعان ما أسقطته بحديثها ...

- بدال بتفكروا بكرامه وعيله ... إزاي تجوزوا واحده عميه لفهد إينكم ...

اختنقت والدۀ فهد من سخريتها تلك .. مع ثاقب نظراتها ... فلا تجد رداً عليها سوى ...
- فيها مصلحة للعيله ...

- مصلحة إزاي بقا ... في إن هي عاميه ؟ ... هتستفادوا منها في إي ؟!

- دي أسرار عائلته ... ما أسمحش لحد يدخل فيها !
- لو ما سمحتيش لحد إنه يدخل فعلا ... قبلتي
إني أشرب معاكي قهوه ليه ! مع العلم إنك عارفاني ...
وحفظاني كويس ...

استشعرت بضيق تنفسها ترادف ...

- حسنيه ... يا حسنيه ...

تهرول إليها حسنيه في عجالة ...

- في إي ياستي ...

- ميه بسرعه ...

لتعلو بصوتها منادية ..

- أنسه سجي ... كوبايه ميه ...

عقبت بذلك وهي تحاول جلب الهواء إليها بيدها قليلاً ... حتى تأخذ إستشاقها جيداً ...

تأتي سجي بالماء بهدوء ثم تعطيه لحسنيه ... تسقيها إياه ... وسجي ترادف بسماعها نحوها ...

- بقت كويسه يا حسنيه ...

ليقطع حديثها صوت امرأة لم تسمعه من قبل ...

- عاوزها تبقي كويسه إزاي ... وإنتي السبب !

- عفوا ... مين الهانم ...

لتسخر من صوتها ...

- مين ! أنا إبتهاال علي سن ورمح ... جايه واحده
زيك تسأل ... أنا مين !

- ما أقصدتش ... بس شكلك فاهمه الموضوع غلط ...
الغلط عليكى إنتي مش عليا .. لأنها كانت قاعده معاكى
إنتي ... ولو مش لحقنها كانت هتموت ... بلاش بس
ترمي بلاكى علي الناس ...

أعقب علي كلامها صوتاً آخر ... قد سمعته قبلاً ...
فلن تنسى صاحبة ذلك الصوت ... التي كانت تعاملها
بشدة وعنف ... ومازالت إلى الآن ...

- إي ال بتقوله دا يا بنت ...

- مادام سوهير ... هنا كمان ... نورتيانا ...

لتتغير تعابير وجهها وتتلون ألوانه ...

- إزاي تكلميني كدا ... أنا في مقام والدتك ...

خاطبتها أيضاً إبتهاال هانم ..

- إنتي كمان تعرفيها ... دي نازله فينا إهانات ومش
رحمانا من لسانها ...

لتعلو صرخات غضبها عليها مع صفعتها الهارمة ...

- الظاهر كدا ... مش علمتك إزاي تحترمي الكبار
كويس ...

إحمرر وجهها كثير مرادفه باندفاع ...

- لما تعرفي الأول إزاي تبقي في مقام أمي ... يبقي

علميني إزاي ... أرد علي الكبار كويس يا مدام سوهير
ذهبت سجي من أمامها بعد ما أخرصتها بكلامها
الصارم

طرق الباب ثم دخل سيف إلى فهد لتعتريه التساؤلات ...

- في إي يا فهد ... مالك من الصبح ... مش علي
بعضك !

هو بفتور ...

- مش عارف يا سيف ... هنشل ... عقلي هيقف من
كتر التفكير ..

- طب إهدا .. وقوم معايا أوصلك البيت منظر ك مش
مطمئني خالص ...

- ماشي ..

ليأخذ جاكته ثم يعقب بخروجه من المكتب ليستأنف
سيف بنظره نحو سارة ..

- ها خلصتي ال وراكي ..

- أه يافندم كدا فهمت هاعمل إي. ... ورتبت أموري
كويس ..

- تمام ... يلا علشان تروحي ...

- حاضر ..

- وهو صلك بالمره ..

لتردد قليلاً... فهو لا يعلم أنها جارته التي تراقبه منذ
أمد...

- لا يافندم... هروح أنا..

الفصل التاسع

واقع

أقطب سيف حاجبيه بجديّة ...

- لا ما ينفعش ... يلا بس هو صلك بالمره ...

- ماشي ... هلم حاجتي وجايه ...

ليوماً برأسه مجيياً بنعم معقياً بخروجه من الشركة ...
ليهم فهد لسيارته ... جذب سيف اخاه نحوه مرادفاً ..

- مش ينفع تسوق حالتك مش كويسه ... سييب
عرييتك هنا ... الحارس موجود ... وتعال معايا بعرييتي
... لينظر خلفه ...

- يلا ياساره ...

وقف فهد بالسيارة بجوار أخاه ... وسارة بالخلف ..
وهي تحاول أن تبعد ذاتها قليلاً ... وأخذ قراراً ما حيال
الأمر ... فلا تريد أن يعرف أين مسكنها ذاك ...

- أنسه ساره ...

- نعم

- هوصل فهد البيت ... وبعدين أوصلك ماشي ...
مش ينفع أسيه بحالته دي ...
- ماشي ... مش مشكله ...

أوقفت السيارة أمام منزل فهد لينزل منها مخاطباً ...
- إتفضل يا سيف ...
- لا ... كويس إني إطمنت عليك ...
- ما ينفعش تيجي بيتي ومش تدخل ...
ترضاها لو جيت بيتك ...
- لا بس ...

- بس إي ... إدخل وبالمره تشوف مراقي .
- ماشي ... إنزلي معانا ياساره
- هي بخوف ...
- لا لا ... مش عاوزه هفضل هنا ...
- يلا ياساره ... هم خمس دقائق وهنمشي ...
- لتنحني رأسها بإستياء ثم تغدو بالقدوم معهم ...
- إتفضل يا سيف ...
- ليشيخ بنظره إلي الأمام ليتمعن قليلاً ...
- أووه مادام سوهير هنا ...
- أهلا يافهد ..
- مرحب بيكي .. أعرفك ... أخويا سيف ... والأنسه
- ساره ...
- لتندهش سارة حين وجود والدتها هنا ...
- ماما !
- ساره .. إي ال جابك هنا ...

- إنتي إي ال جاب هنا ...

فهد بإستعجاب ...

- إي ... تعرفوا بعض !

- أه دي بنتي ...

- بتك ؟ أو مال ال شفتها معاكي دي مين ؟

- دي بنتي الثانيه ...

أردف سيف ...

- يا محاسن الصدف ... حلوه الصدفه ال جمعتني

بحضرتك ... بتك بتشتغل عندي بالشركه ...

لتلقت إلي فهد ...

- ينفع ال عملته سجي دي معانا يا فهد ...

لتنسح حدقة عيني سارة وقد فهمت لم والدتها مانعتها

من حضور زفافها بفهد ... ختي لا تختلط بسجي ثانية ...

فعلمت أن فهد زوج سجي ولكنها لم تجب بأي كلمة ...

أغمض عيناه مع ضغطه بلثته بإحكام ...

- عملت البت دي إي تاني !
- إسألها وشوف ... دي ردت علي أمك وعلي الضيوف
وعليا أنا كمان ... المفروض تتربي ...
- كاد أن يقوم فهد إليه لولا أخاه قال ...
- إستني هنا ... أي حد إبعته يشوفها ...
- ليتملق سارة مجيباً ...
- إطلعي ليها يا ساره .. هي في أول أوضه علي يمينك ...
- حاضر ... أردفت ذلك من غير كلل أو تردد ... فلم
تصدق أن الله جمعها بيها أخيراً ...
- لتلهف لها كلهفة عاشق لمعشوقته ...
- سجي
- أصغيت سجي إليها بإحكام مع إبتسامة مشرقة قد
عادت إليها ...
- ساره ! إنتي هنا ...
- لتعانقها سارة عناق المضطر أخيراً معقبة ...

- وحشتيني أوي يا سجي بجد ...
- وإنتي أكثر وربنا ... مش كنت متخيله إني هلاقيكي
هنا ...
- القدر
- وأحلى قدر والله العظيم لترادف بعجل ... يلا
ياسجي من هنا ...
- يلا فين ؟
- نهرب من هنا ... أنا مش هسيبك تاني
- إستني بس ... إهدي ...
- أهدا إي ... دي فرصه علشان أخرجك من السجن دا ..
هي بغموض ...
- وهو هيبقي سجن ليه ... إذا كان أنا ال جتله برجليا ...
- نعم ... دول غصبوكي عليه يا سجي ... خلوكي
تتجوزيه بالعافيه .
- لتزع أناملها عنها مرادفة ...

- لا ... أنا ال جيت بمزاجي ...

هي بعدم فهم للأمر وما الذي تعنيه سجي ...

- وضحي أكثر يا سجي ... مش فهماكي ... إنتي
غامضه أوي ...

- فهد هو ال عماني يا ساره ...

الفصل العاشر

ماضي

عقدت سارة حاجبيها

-إي ال بتقوليه دا ياسجي ... إزاي أصلا ...

رادفتها بنظرات حزن ...

- أقلك إي ولا إي ياساره وال إي إزاي ... فهد دمرني
ياساره دمرني ...

- طب ما تفهميني طيب ... دمرك إزاي ! قوليلي هو
عمل إي ...

أعدلت سجي في جلستها وهي تنهد تنهيدة تبوح
بآلامها ...

-كان لازم أرجع ياساره تاني ... كان لازم أفهمه إن سجي
لسه موجوده ... مش ماتت في نظره ...

هاتفتها وهي تتنفس الصعداء تحاول إستيعاب الأمر ...

- هو ال دمرك وجايله برجليكي ؟

- مش هتفهميني ياساره ... ولا هتفهمي وجعي إي

- طب إهدي كدا ... وفهميني إي ال حصل

أغمضت أعينها تحاول إسترجاع الذكريات ولكن
سرعان ما تأملت وأنزفت دما من قلبها المجروح ...
وضعت أطراف أصابعها فجأة على عيونها لتندرف
الدموع التي أسرت في جسدها ... دموع القهر والوجع
... الذل وعدم الرحمة في ملازمة أشياء قد تسعدها
إنفجار هائل من الأمطار الساخنة كالنيران يذوب بها من
كان قوياً ...

قبل سنتين

تلاحمت أغصان الأشجار مع صوت العصفير وزقزقتها
بإطالاتها من نافذة غرفة ما ... تمتلئ بالأزهار الحمراء
وتتميز جذرانها برسومات كرتون ... فعلى الجدار الأيمن
رسمة تبوح بالسعادة ... فلة والأقزام السبعة .. وعلى
الأيسر ترسم زهور غريبة نوعاً ما تعتقد أنها لم ترها من

قبل ... هي فقط من وحي الفنان الذي أبدع بتصميم
 هذه الغرفة ... مبهجة تستشعر بألوان الطيف السابعة
 فيها ... ليست غرفه أمير ... ولا غرفه أغنياء البلد
 ... تستخلص تلك الغرفة ... في أنها مميزة عن الباقين ...
 فتوجد بها فتاة تتناغم أوتار ألسنته مع زقزقة العصافير
 وهواء الأشجار ... ها وقد بدأت بالرسم مرة أخرى ...
 تلاعب حاجيها مرة أعلى وأخرى أسفل ... تضع طرف
 فرشاتها على لثتها ... تفكر ... في كيفية إكمال هذه الرسمة
 الجديدة تملقت نظراتها أكثر ثم إبتسمت ...

- وأدت اللمسة الأخيرة ... لتلقي أدوات الرسم بعيداً
 ثم تقفز قفزتها المعتادة التي همت بها علي السرير راقصة
 بتمايل شعرها وأيديها ...

- أوباً بقا ... وخلصتها خلصتها يا ناس ... تقفز
 مره أخرى علي النافذه مخاطبه العصافير ... خلصتها يا
 عصفورتي .. ما تسويش ! وانتي حلوه كدا ... خلصت
 الرسمه شفتي ... بعد تعب وعناء ... لتمعن مرة أخرى
 بالرسمة وطرف إصبعها تقف عليه تلك العصفورة ...

- ها إي رأيك يا عصفورتي بالرسمة؟

حلوه صح !

تزقزق الصغفوره متناغمة معها ... لتلامس وجتيها
الحمراء ..

- لازم يعني تلمسيني كدا ... ليقاطعه صوت والداها
... لتتبه حديثه وتقف فجأة أمام الصورة ... وبصوتها
المنعم ...

- بابا ! أنت صحيت ...

أجابه والدها بهدوء ... ذو روح عذبة ... هادئ الطباع
... لبق الحديث يبلغ التاسع والأربعين من عمره
... عاقداً ذراعاً والأخرى تحت ذقنه ملاعباً ابنته الوحيدة ...

-ياتري بقا مخبيه إي وراكي ؟

- ها ... أنا لا ... مش مخبيه حاجه ...

- أو مال واقفه متوترة ليه ؟

- لا ... كنت ... كنت بداعب عصفورتي ...

مط شفاته قليلاً ثم إقترب منها بنظرات توحى أنه قد
فهم ما تحاول تخبئته ...

-ملاك ...

رادفاته بنظرات ورأسها لأسفل قليلاً ...

- نعم ...

- كنت بتعملي إي من شويه

بصوت خافت ...

- كنت بجهاز هدية لعيد ميلادك ...

إرسمت علي شفتيه الضحكة ...

- طب فين

هي ...

- موجوده يابابا ... لتشبح بجسدها بعيداً عن الصورة ...

ليُذهل والدها من روعة تصميمها ... وإختيار الألوان
بدقة عالية ... ليرمقها بنظراته وقد وجدها تلامس
بأصبعها عصفورتها ...

- هي دي المفاجأة ...

- أه يابابا ... كنت هديها لك بليل ... بس إنت قطعتي
... لتكمل بمزاح ... علي فكره إنت فصيل ... وأوي كمان
... أردفت ذلك وهي تخرج لسانها مداعبه ...

- بتطلعي لسانك ليا يابت أنا أبوكي ...

لتحزن قليلاً ... ثم تأتي أمامه ...

- أعملك إي يعني إنت ال قطعتني ...
- ماشي ياستي ... صورتي حلوه بالألوان ... بوركتي يا ملاك ...
تذمرت قائلة ...
- إي ملاك دي ... ما تخليني سجي ... علشان أعود عليه ...
- ما إنتي عارفه ... حبيب إسم ملاك عليكي ...
وبعدين سجي دا بالبطاقه ... إنتي ملاكي أنا وبس ...
ليطبع قلبها علي جبهتها
- همشي للشغل بقا ..
- ماشي وأنا هروح الكليه ...
غادرها والدها معقباً بغمزة من غمزاته المعتادة لها ...

هافتها صديقتها ميرفت ... وهي تخرج من منزلها ...
- أيوا يا ميرفت ..
- إي يابنتي إتأخرتي كدا ليه
- مستنيه الاتوبيس ...

- أتوبيس تاني يا ملاك ... ما إنتي معاكي عربيه أبوكي
جبهالك ... إركيها ...

- إنتي عارفه إني ما أحبش العربيات ... خليني
بالأتوبيس أحسن ...

- طب ركبتى ولا لسه ...

- ركبت يختي من سعت ما كلمتيني ... وشك حلو
عليا يا بيه ...

- والله ... طيب إخلصي مستنياكي علي باب الجامعه ...
لتنظر إلي الخارج ...

- خلاص فهمت ... أنا جيت الكليه أهو وشفتك
... لتغلق هاتفها ...

ثم تعقب بنزولها وهي تشاور يديها إلي ميرفت ...
وتخطو خطواتها نحوها ولكن سرعان ما لاحظت علامات
القلق على وجه صديقتها ميرفت ...

لتلامس أرجلها سيارة

فجأة ... لتهوي أرضاً ... وتبوح بصراخها من الألم ثم
تصغي إلي ميرفت ..

- عماله أقلك عدي بسرعه عدي بسرعه ... في زفت
عريبه ... وإنتي ولا هنا ..

هي بصراخ ...

- يا ميرفت مش وقت عتاب هو ... إتنيلي ساعديني
وبعدها إتكلمي ...

لتهم بأخذ حقيبتها وكتبها كمحاولة منها في مساعدتها ...
- ياستي خلاص ... المهم إنتي كويسه دلوقتي ...

- الحمد لله جت سليمه ... لتعلو بنظرها تجد أن
الطالبات والطلاب حولها هاتفة ...

- ما تقلقوش أنا كويسه ... يلا يا ميرفت من هنا ...

همهم شخصا ما إليها ...

- إنتي كوسه يأنسه ...

لتخاطبه وهي تضع حقيبتها علي كتفها ووجهها أرضاً ...

- أه كويسه ... أردفت ميرفت مقاطعة ...

- إي يا عم إنت ما بتفهمش .. ما بتشوفش ... ما
بتحسشيش ... أعمي وأطرش ... لو مش أد العرييات ...
بتسوقوا ليه ...

- ميرفت خلاص ... حصل خير ...
- إزاي ... يضربك ياملاك ... وتقولي حصل خير؟ ...
- لييتسم ذاك الشخص قائلاً ...
- طب يأنسه أوديكي للدكتور ...
- رفعت بصرها إليه ...
- مفيش داعي ... جت سليمه حضرتك ... يلا يا ميرفت من هنا ...
- ليتسع بصره ... عيناه السوداء أصبحت أكثر سواداً ...
- إلتفت إليها وهي تسير مع صديقتها ... ليترك سيارته ... ويسير خلفها ... أصبح لا يرى سواها ... نسبات عليلة تداعب أذنيه عند سماع صوتها ... لمعان عينه عند رؤيتها للوهله الأولى ... كلمة فقط تلفظها ... ملاك ...



الفصل الحادي عشر

صوت

وفي المساء

قاطعته شادي صديق فهد الذي تعجب من كثرة شروده
هذا منذ الصباح مرادفاً

- إي يا حجب فهد ... روجت فين ...

- ها ... موجود ...

- موجود فين ياسطاً ... وإنك من سعت ما جيت
وعينك في الحيطه وإيدك علي خدك ...

- مش عارف ...

- شكلك تعبان وهتبوظلنا السهره ... قوم روح ...

- أنا طفشان أصلا من البيت ... تقولي روح ! ... أروح
إي يا عم ..
- الله ! طب مالك طيب ...
- مش عارف بجد البت ال شفتها النهارده مشقلبه
كياني كله ...
- بت مين !!! ...
- ليعتدل بجلسته بصوت هادئ ..
- أقلك إي ولا إي عليها ... عينيها بحر من بحور
الذهب ... خدها ورد أحمر مميز في البستان هدوئها زي
هدوء البحر ...
- شادي مقاطعاً ...
- وعرفت عنها حاجه !
- أه ... ملاك ... في كليه فنون جميله ... وهي جميله
أصلا ...
- تابع صديقه ضحكاته بصخب ليستعجب فهد ...
- إي يا ض مالك ...

- يعيني علي العين لما تقع ... والأعجب إن فهد بيه
يقع ..

- تقصد إي ! ...

- أقصد مأقصدش ... إنت فهمني كويس سلام يا
صاحبي

أعطي سيف كوب من الماء لوالدته الراقدة علي
الفراش ...

- إتفضلي .. الدوا أهو ... والميه ...

ليستقيها المياه ثم يضعها بجواره

- متشكره يا بني ...

- مش عارف والله إنتي شايله هم ليه ؟ ...

- مش همك يا سيف ...

- هم يا ماما ... ما أنا زي الشحط أهو ...

- زي الشحط .. بس لا عارف تاكل ولا تنام ولا حتي
تجهز لك شقه تتجوز فيها ...

ليطبع قبله على باطن كفها ...

- إنت أُمي ومراتي وكل حاجه في الدنيا ...
- الفلوس راحه علي العلاج بتاعي ... قلت ليك وديني
مستشفي حكومي بلاش الخاص ولا الدكتور ال بييجيني دا
- علشان صحتك تبقي أحسن يا ست الكل ...
- تعب يا بني والله ...
- يعني عوزاني أوديكي مستشقي كدا عادي ! ...
وحكومي وأسيك ... أنا مش زي أبويا ليسيك عشان
واحد تانيه ... أنا سيف إبنك ومش أي سيف ... يبغي
معقول ال بتقليه دا
- قاطععه صوت جرس المنزل ... ليقوم بفتحه ... سيف
... لتبدو علامات الغضب على وجهه من أثر ما رآه ...
- هو إنت ! عاوز مني إي
- جاي بيتي يا سيف .. في إي !
- ليستوقفه بأصابع يده ...
- خليك عندك ... أنا ما أسمحش تدخل البيت دا
طول ما أنا عايش
- والده بتذمر ...

- تمنعني ال هو إزاي ! ... دا بيتي ومسموح بأي وقت
أخش فيه ...

ليسمع صوت والدته ...

- مين يا سيف

أردف بصراخ حتى تسمعه ...

- مفيش حد يا ماما ... عقب بذلك وهو يقفل الباب
في وجهه ولكنه أبى ... ليعده عن طريقه ليتجهه نحو
غرفة والدته

- عصمت ... آزيك يا حبيتي الوقتي ...

تأنفت بنظرها بعيداً ...

- إي ال جابك ...

ليجلس بجوارها علي الفراش ...

- جاي أطمئن عليك ..

- جاي بعد كام سنه ... تيجي تشقر علينا وتمشي لبيتك
التاني ومراتك وابنك ..

قلت هتعديل بينا ... بس للأسف ... مراتك التانيه خدتك
بعيد خالص ... أوزي ما يقولوا ... القلب وما يهوي ...

حزن من حديثها هذا ... وعلم أنه صحيح ... وأن
الذنب ذنبه ... ولكنه أردف باكياً ...

- وجاي لأصلح غلطتي يا عصمت ... جاي علشانك
إنتي ...

عقب بذلك وهو يداعب أناملها ... لتنزع يداها عنه
في فتور ...

- هتصلحه إزاي ... هتطلق مراتك التانيه مثلاً ...

صمت قليلاً ... ليعقب سيف ...

- ها جاب ... هتصلحه إزاي ...

- أنا طبعاً ما أقدرش إني أطلقها لأنها أم إبنِي ...

لتصرخ بوجهه فجائتاً ...

- وهي تطلب منك تطلقني ... ووافقتها وطلقتني بكل

بساطه ... إسمعنا توافقها وأنا لاها ... لتكمل بسخرية ...

قتلتك ... القلب وما يهوي ...

سيف ...

- يلا من هنا ... مش كفايه طلقت أُمِي ... كمان ليك

عين تجي هنا

- بس يا سيف يا بني ...

فغضب وكاد أن ينفجر حين سماعه تلك الكلمة ...

- ما تقلش يا بني دي تاني خالص علي لسانك ... أبويا
مات من زمان ... سعت ما طلق أمي علشان حربايه

أنهي الوالد عمله في مكتبه ... معقباً بأخذ مفاتيح
سيارته ..

ليلاحظ غدو شخصاً ما إليه ... وقد بدا عليه علامات
الغضب مرادفاً

- أنا قلت مش ينفع ... يعني مش ينفع ... هعيد نفس
كلامي يعني ليك ...

ليحمل هاتفه ثم يتقدم خطوة إلى الأمام ... وذاك
الشخص خلفه ... ليخرج مسدساً من بذلته ... ليرفعها
تجاهه

جلست سجي على الفراش وهي تلاعب أقلامها في
هدوء ... لتألم قليلاً من معصمها فقد تأذى إثر الحادث
هذا

- ياربي ... إيدي وجعاني خالص ... وقلت لبابا يجيب دوا
أو أي حاجه لإيدي ... وهو إتاخر ... أرن عليه تاني
طيب ... لتحمل هاتفها ... ثم تتركه ... لا مش هرن
ممكن يكون مشغول ... الساعه ١٠ الوقتي .. ساعه وهرن
لو ما جاش ...

لتكمل رسمتها الطفيفة لتقطع الأضواء فجأة ...

- ياربي ... حبكت يعني الكهريه تقطع ! لتشعل
كشاف هاتفها لتستعد في القيام من فراشها ... ولكنها
تجمدت في مكانها عن إنصياعها لصوت رجولياً غريب
- خليكى عندك يا سجي ... شويه والنور هيجي ...
مفیش داعي لكشاف ...

ليبدأ العرق بغزارته على وجهها ..

- إنت ... مين ...

- مش مهم ... أنا مين ...

تبتلع ريقها من الهلع ...

- طب إنت عاوز إي ...

- عاوز دي ... مش دلوقتى ... هتبقى بعدين

- طب بتكلمني ليه بدال مش هتقولي علي ال إنت
عاوزه ...

- لا ... مش أقصد كدا .. أنا بس قطعت الكهر به ...
كنت بس حابب أتعرف عليك

- ما تتعرف عليا في النور ... لازم الضلمه دي ...

- قولي كدا ... إني مش هخليكي تشوفيني إلا الوقت
المناسب ...

- طب ما إنت عارفني .. ونطقت إسمي كمان ... يبقى
نتعرف إزاي بقا ...

- لا أنا ال عاوز أعرفك عليا ...

- طب إنت مين ...

- مش هتعرفني إسمي الوقتي ... كنت عاوزك بس
تحفظي صوتي ... لأنك هتسمعيه في كل مكان وعالطول ...

ومش هيبقي علي ودانك ولسانك ...

إلا ... مجهول المجهول يا سجي

الفصل الثاني عشر

بكاء

تہافتت أصوات بكاء مہیب .. أشجان ملتوية تخرج من
 ذو صوت عذب .. حرقه دموع .. لم تذرف إلا حين مضى
 ... رحل وتركها حزينة .. لم يعلم أنه بموته سوف تفتح
 أبواب كانت مغلقة ... وداہمت بسرعتها في الفتح .. ولكن
 بروزها قد تمكن من سجي إلى حين عودة

تملقت سجي نظراتها إلى والدها ... وهي تبكي بكاءً
 شديداً .. لم تستطع كبح أدمعها أمامه فكيف ستستطيع
 الحياة من دونه ... ألم الفراق صعب ... فهو كمحرك
 للمشاعر ... يأخذها مع من فارق حياته

تربت على كتفها صديقتها ميرفت ...

- إن لله وإنا إليه راجعون ... عوضك بالخير يا ملاك ...
نظرت لها بعيون محرقة قد إجمرت من كثرة الدموع
الحزينة... لتكمل ميرفت ..
- البقاء لله يا حبيتي رادفت ذلك بعناق منها في
حزن تعبر عن حالتها المأسوية ... تحاول التخفيف عنها
في صمت

وفي المساء ...
جلس المحامي ومعه أوراق الوصية المرتبطة بالأنسة
سجى ...
لتكون سجى على يمينه ... وعمها ممدوح على يساره ...
وبنظرات صارمة ...
- تمام ... أنا جمعت الأنسة سجى وأنت يا أستاذ ممدوح
علشان وصية الوالد ... وطبيعي إنت الوحيد ال أخوه
تحضر فتح الوصية ...
ترقت سجى عيون عمها ممدوح في شروذ تام ... فهي لم تره
منذ مدة كبيرة ولا تعلم عنه أي شئ سوى عمها إسماً فقط ...

بادر المحامي بفتح الوصية وبدأت ألسنته بحديث ...

- بسم الله الرحمن الرحيم ... أوكل أنا كمال صلاح الدين .. كل ثروتي إلى الأنسة سجي والوصي والريب عليها إلى أن تتزوج .. عمها ممدوح صلاح الدين ... فثروتها تنفق فقط عليها و يتولى الإنفاق عليها وعائلته من تلك الثروة ... بشرط أن يتولى حمايتها .. وأن يزوجه

لشاباً محترماً من الأغنياء و ثروتها تصبح نصفها لإبنتي والنصف الآخر لممدوح والله المستعان

سعد ممدوح بتلك الأخبار وما قاله أخاه بتلك الوصية ... ولكن سجي حزنّت أكثر وحادثت ذاتها ..

-إزاي أبويا يعمل فيا كدا ... ليه اتجوز غني إفرض ما بحبوش أعمل إي ... بالعافيه يعني سيبتلي هم كبير يا بابا

وفي صباح اليوم التالي ...

وقفت سياره أمام منزل سيف ... تعقب بخروجها فهد
ووالدته ووالده ...

ساد الصمت جميع الأنحاء ...

فوالدة سيف تجلس بجواره ... ووالدة فهد تجلس
بجواره أيضاً وكلا منهما أمام البعض ... والزوج المستقل
... في المنتصف ...

وأخيراً ... وبعد صمت طويل يعقبه نظرات حادة بين
الطرفين ...

- ها .. يا عصمت يا حبيتي ... إتعرفتي علي مراتي
التانيه ... فريال ...

بابتسامة مصطنعة ...

- أه ... نوريتيني يا هانم ...

رمقتها بعينٍ هادئة نوعاً ما ...

- بنورك يا مدام عصمت ... دا إبني فهد ... لتعقب
بنظرها إلى سيف ... ما تستغريش يا سيف دا فهد ..

عارفه إنكم ما شفتوش بعض من مده كبيره ...

سخر من حديثها اللاذع فهي لا تروق له إطلاقاً ...

- ولا كبيره ولا حاجه يا مدام ... دول ٢٤ سنه بس ...

مده مش كبيره ولا إي ؟

ثم نظر إلى والدته بصرامة ... كأنه لا يريد هذا الأمر

أن يتم نهائياً

ليدلف إلى غرفته وغلقه للباب بقوة ...

لتبدأ فريال في الغضب لولا أن أمسك يداها فهد ...

ليعقب بقدومه نحو غرفة سيف ثم يدخل إليه ... ليجده

على الكرسي الهزاز ... يتحرك به ذهاباً وإياباً

جلس بجواره مع إنحناء ظهره إلى الأمام ...

- مالك يا سيف ...

ليتنصب وقد تنفس الهواء بقوة ...

- إنت إزاي دخلت هنا أصلاً ...

هو ممازحاً ..

من الباب ... ولا عندكم مكان تاني تدخلوا منه ؟

- إنت جاي تهزر هنا !

ليحرك بيداه أمامه مهدئاً من روعه ...

- أولك .. إهدا. كدا ...

- أهذا إي يا جدع إنت ... جاين تقعدوا معانا في البيت ... وتقولي أهذا ! إنت مجنون ...

- أولا ... أنا مش مجنون ... ثانيا ... قبلنا نيجي هنا علشان ناخد علي بعض .. وخصوصاً أنا وإنت ... لأننا بعاد خالص بالرغم إنك أخويا ...

تعصب من معنى قوله هذا ...

- إلتزم حدودك كويس أوي .. أنا لا يا أب ولا يا أخوات ... فخد مامتك ال برا دي وأطلعوا برا بيتي
ليهجم عليه فهد بسرعة ... ردة فعله غير متوقعة من شدة غضبه من أخيه الذي لم يعطه حتى الفرصة ليتكلم ...
ليقع سيف من على الكرسي .. ومعصم فهد علي عنقه ووجهه يقترب منه ..

- إحنا جينا هنا ... لتتعرّف أكثر علي بعض ... وأبويا حاسس بالندم وعاوز يصلح كل حاجه ... حط نفسك مكانه وانا مكانك ومش إديتك حتي فرصه .. تحاول فيها تصلح غلطك .. إي شعورك وقتها ها ... جاوب ...

طبعاً بالذل والإهانه... فتتعدل كذا معايأ أحسن لك
 ... نتعرف بإحترام... إحنأ أخوات وهنفضل أخوات حتى
 لو حاولت قطع صله الدم....

لئزىح بئده عنه... لئبداً سئف بالسعال... ثم هجم
 علىه لئوقعه أرضاً... وهو ممسكاً بقميصه بصراخ...
 - جأئن تأخذوا بئتنا بالمره زئ ما أخذتوا بابأ منأها
 ... بس أنا ما أسمحش إن دا لئحصل... قعدكوا معانأ هنا
 ... على جئتئ... فاهم..



الفصل الثالث عشر

موت

إستيقظت سجي على صوت مدام سهير وهي تيقظها
بغضب ...

- إنتي يابت إنتي ! ... قومي يلا ... هتفضلي نايمه
عالطول ...

حادثتها بعين شبه مفتوحة ..

- أيوا مين ؟

لتضربها سهير بالمكنسة من يداها ... لتتصبب فازعة
وهي تصرخ من أثر الضربة ...

- في إي

يا مرات عمي ...

رادفت بغضب ..

- إي مرات عمي دي ... إنتي هتصاحبيني يا عيله إنتي ...

- أو مال أقلك إي ؟ ... يا طنط !

- طنط في عينك وعين ال خلفوكي ... قومي كدا وإنتي

كسوله ... يلا يا بت إنجري علي المطبخ ...

- نعم ... مطبخ إي !

- إي يا دلدعدي مش يتعرفي تطبخي ...

- لا بعرف ... بس أمي ما كنتش موجوده فعادي .. أما

إنتي موجوده ... فهتفرق إي إنك تعملي الأكل .. ما هي

لو مش موجوده ...

لتضربها مرة أخرى علي ذراعه ... معقبة ..

- إنتي هتردي عليا كمان ... هو أنا خادمك تحت

رجليكي ولا إي ... بتأمريني أطبخ أو ما أطبخش ... قومي

يلا إنجري .. جهزي الفطار ...

- بس أنا وريا جامعة ...

- جامعته أي وهباب إي ... البيت أولي بيكي ... مش
كفايا جايه تعقدي معانا في البيت ... هنصرف عليك في
الجامعه كمان ...

رادفتها صوت سهيلة وهي تقبل وجتتي والدتها ...

- إي يا ماما هتأخر علي درس الصبح ... إنتي عارفه إني
بثانويه ... فين الفطار ...

- شوفي بنت عمك ... مش راضيه حتي تساعدني
بالفطار ... ونازله تبجيح فيا ...

لتضع يدها علي خصرها ...

- إي ! ها ؟ ... بتعارضني ماما .. ما تسمعي الكلام
وتريجينا ... إنتي هنا في بيتنا ... تحت طوعنا ... يبقى
تنفذي كلامنا فاهمه

تنهدت سجي تنهيدة عذاب ...

- حاضر ... هروح المطبخ ...

لتجذبها سهير من خصلاتها وهي خلفها ذاهبة بها إلى
المطبخ وهي تحاول كبح أيديها عنها ولكن لم تستطع ...
لتلقئها أرضاً ... ورأسها قد تألم كثيراً لتسمعها قائلة ...

- هو إنتي مفكره إنك سواء رفضتي أم وافقتي هيبقي
علي مزاجك مثلاً ... دا علي مزاجنا إحنا يا حلوه ... ومدام
قلت هتروحي المطبخ يبقي هتروحي ... عيله فقر ...
لتغادر ... وسجى ماتزال على الأرض ملقاه تبكي بكاءً
شديداً ... ليلا مس ذراعيها شخصاً ما للوقوف على قدميها
... لتنظر له

مرادفة ...

- نور ...

ليعمل على تنظيف لباسها من الغبار ... قائلاً ...

- إنتي كويسه ؟ ...

- أه الحمد لله ...

- المهم ... روعي إجهزي وروحي الجامعه ..

- بس هم قالوا لا ...

- مش تقلقي ... روعي وأنا هتصرف معاهم ... المهم
أنك تعدي السنادي ... إنتي هتخرجي خلاص ...

لنبتسم إبتسامة رقيقة .. ثم تطبع قلبه على وجنتيه
خفيفة مرادفة ...

- شكرا بجد

ليتملقها بنظراته ثم يبتسم

- طفله أوي البت دي

وفي قاعة كبيرة ... للحاسب الآلي ...

تجلس الطالبات والطلاب ... أمام كل حاسوب ...
ويكون من تلك الطالبات ... سارة هي تضع أشياءها
جانبا ... وتبدأ بالإنصياع للدكتور الذي حادث ...

- السلام عليكم ... هقدملكم المعيد سيف .. تلميذي
النجيب ... هو ال هشرحلکم سکشن النهارده في الحاسب
الآلي

لنستارع ضربات قلب سارة كثيراً .. فهي لا تعلم أنه
سيكون أمامها هكذا ... ولا حتى تعلم اسمه .. حتى ترادف
إسمه جيداً في أسماعها ... لتلمع عيناها وهي تهمهم ...

- سيف... إسمك حلو... لتسمعها صديقتها بالجوار..

- آي ي ساره.. هي غمزت ولا إي!...

- لا يا ستي وفري كلامك دا... عيله حشريه... ثم
تنظر له أكثر وهو يبدأ بالشرح....

- ياربي علي جمال أمك يا شيخ... هفضل أنا كثير
كدا... من غير ما تعرف إني بحبك.....

خرجت سجي من منزلها وهي تحاول حمل كتبها جيداً
... ليراهها فهد وهو يركب سيارته

- إي دا... دي نفس البنت... هي طلعت ساكنه هنا...
يا محاسن الصدف...

ليسير خلفها بسيارته ببطء شديد. وهو يحادثها
- يأنسه...

لتلتفت له ثم تقول...

- إنت...

- إنتي ملاك صح
- إنت جاي وريا ولا إي ...
- لينزل من سيارته وهو يستند
بذراعه على السيارة ...
- مش بتبعك ولا حاجه ... دا أنا ال لسه هسألك
السؤال دا ...
- سؤال إي ال بتقوله دا ... ما علينا ... إمشي من وشي
... أنا مش طايقه حد ...
- طب خليني ما أطقوش معاكي ..
- إنت جاي تستظرف يا جدع إنت
- لتحاول السير ولكنه وقف أمامها ..
- مش هخليكي تمشي .. أنا ما صدقت إني شفتك تاني
أصلا ...
- لا بقا إنت مجنون رسمي ...
- أه مجنون .. لأني من ساعات ما شفتك ومش علي
بعضي بفكر فيكي كل ثانيه ... وكل دقيقه ..

هي بعدم صبر ...

- خلصت ... وسع بقا عاوزه أعدي ...

- قلتلك مش هعدي ... مش آتني راحه الجامعه ..
تعالى وأوصلك وبالمرة نتعرف علي بعض ...

لتعقد حاجيها بغضب ..

- بص يا جدع إنت ... ياما تمشي من قدامي .. ياما
هتشوف مني تصرف مش كويس ...

ليقترب منها أكثر ...

- وريني كدا إي ال هتعمليه

ليترقبهم شخصاً ما من بعيد متحدثاً إلى الهاتف ...

- ما تقلقش يا باشا ... سجي هاتموت النهارده
موته مش متوقعه خالص ...

الفصل الرابع عشر

تعارف

جعل فهد رأسه ملتصقاً برأسها بعقد حاجبيه ...

- ها وريني هتعملي إي ؟ ...

لتضربه برأسها بصوت ممزوج بعصية ...

- ها ... عرفت أنا هعمل إي .. إبعد عن وشي بقا ...

أمسك معصمها بإحكام ... وبتحذير ...

- أنا فهد بيه ... تيجي واحده زيك تضربه بالروسية

- أعملك إي إنت ال إتحديت ...

أغمض عيناه ... تنفس الهواء ... ثم بهدوء ...

- يأنسه ملاك ... أنا لا بعاكس ولا حاجه ... أنا بس
حبيب أتعرف عليكي ... أعرفك أكثر ..

ليجدها تنظر له بنظرات متناغمة مع مط شفتها ...
مرادفاً ...

- بصي .. إي رأيك أوصلك للجامعه ... نتعرف شويه في
الطريق ... ولو مش عاجبك الحال إمشي ... القرار قرارك ...
شردت قليلاً ... فيما قاله لها فهد ... ووجدته ينتظر
منها رداً مبهماً ...

لتلثفت إلى الجهة الأخرى من السيارة ثم تجلس بها ...
ليصحبها فهد إلى الجامعة ...

- أنا بقا يا ستي ... إسمي فهد ... قاطعته بسخرية ...

- المغرور ...

نظر لها مع فتح فمه ولسانه تحت لثته ...

- أه .. مغرور .. إبن صاحب أكبر شركة سيارات بالبلد ...

رفعت حاجبيها لأعلى مرادفة ...

- متكبر ...

أوماً برأسه مع إبتسامة عريضة ...

- أنا عارفني كويس ...

عقدت ساعديها إلى صدرها ...

- كويس إنك عارف نفسك ...

هو بلا إكتراث ...

- ما علينا ... واخد بكاليورس تجاره ... وبشتغل مع

أبوبا في الشركه .. يعني ممكن تقولي ... الكل في الكل هناك ...

- متعجرف ...

التفت إلى نافذة السيارة بجانبه ... يضغط على نواجزه

بغيط مع إغماض عينيه بشدة ...

- ياستي قتللك إني أنا عارفني ... إي لازمه الكلام دا

بقا وأنا عارفه ؟

- زياده تأكيد ... أصل ما يشكرش في نفسه إلا إبليس ...

لتقف السيارة فجأة متملقاً بنظراته لها ..

- كدا كتير خالص يأنسه ملاك ...

- مش إنت ال عايز تتعرف ... إشرب بقا ...
- كاد أن يضع يده عليها من شدة الغضب ... هي
بتحذير ...
- إلزم حدودك كويس يا جدع إنت ... وإلا والله لألم
عليك الناس ...
- أشاح بيده عنها ...
- ياربي علي عنادك بنت ...
- بتقول حاجه يأخينا إنت ...
- لا ما بقليش ...
- طيب يلا بسرعه ... هتأخر علي الجامعه
- هو بصراخ ...
- يوه ... ما تلمي نفسك يا بت إنتي ...
- أنا بت ... أنا بت .. طيب ... لتغادر السيارة ... لتقف
جانباً ...
- إنتي رايحه فين ... خدي هنا ...

لتنظر له مع خروج لسانها

- وكم ان بتطليعي لسانك ... ليهمس لذاته ... إي الوقعه
المنيله دي ...

لتنفتح حقيبتها لكي تخرج بعض النقود ... ولكنها
فوجئت بوجود شيئاً ما في الحقيبة ... ليقع قلبها إلى قدميها
من الهلع ثم تنهمر دموعها ... لتركب سيارته مرة أخرى ...
- جتيلي برجليك تاني أهو ... ليلاحظ بكائها ... في إي ..
مالك ... إي ال حصل ...

- لتصرخ باكية

-

-

- - يلا من هنا بسرعة ...

- .ليه بس في إيه ... - ما بسيش ... يلا بسرعة ...

أعقب سيف إنهاء محاضرتي ... مرادفا ...

- وبكدا خلصنا سكشن النهارده ... أشوفكوا علي خير ...

ليقاطعه حشد من البنات في بعض الأسئلة لهم ...

لتراه ساره في صمت ... والبنات من حوله ... ليقاطع
شرودها شخصا ما ..

- تؤ تؤ ... مش ينفع كدا خالص ...

لتلتفت له وقد علمت من هو ذاك الشخص ...

- إنت تاني ... عاوز إي ... قتلتك ما ينفعش ... هو ال
قلته هزيده ...

أجابها ذاك الشاب ... صديقها في نفس الجامعه .. ذو
لسان ماكر ... في العشرينيات من عمره

- وماله .. أنا عاوز أسمعك تاني ...

- ال قلته ... كان وخلص ... وال بتطلبه دا ... شيء
مستحيل ...

- ليه يا حلوه ... دا أنا معاك في الكليه ... مش حد
غريب عنك

- أيا كان .. غريب مش غريب ... طلبك مرفوض ...

- بس إنتي الوحيد ال عاوزك تنفذي طلبي ...

هي بغضب ...

- ما يهمنيش ... مين هيعمل أو ما يعملش ... وأنا

مش زي ما إنت فاكِر ... فاهم ...

لتعقب حديثها بمغادرتها ولكنه أسبق بقول ...

- مش زي ما أنا فاكِر إزاي يعني ... إنتي زي أي بنت

... وطلعتي بتعرفي تحبي أهو ... أو مال قارفانا ليه ...

مش عاوزة ... مش موافقه ... ما توافقي وتخلصينا ...

كادت أن تصفعه لولا أنه أمسك ذراعها ثم إلتفت به

إلي ظهرها ورأسه بجوار أذنها هامساً ...

- لو مش قد اللعب يا قطه ... ما تلعيش ..

هي مزجرة وتحاول كبج يدها عنه ...

- مهما عملت يا هاشم ... هتفضل وحش بنظري ...

بصوت خافت ...

- خليكى فاكروه ... هجيبك ... وترجعى ليا تاني ...
يعني هترجعى .. فأآهمه ...

جلست سهيله بجوار صديقتها نبيلة ...
- ها لسه بادئ ...
- لا ما تقلقيش ... الإستاذ مش رضى يبدأ شرح إلا لما
تيجي ...
لاحظها أستاذ الفلسفة في هدوء ... ذا الثامن والعشرين
من عمره ...
- إي يا سهيله إتأخرقي ليه ...
- معلىش يا مستر ... الإستاذ ال قبلك أخرني ..
- ماشي ... بعد كدا مفيش أعذار ...
لتهمس لنبيلة ...
- وأنا مالي أنا بالتأخير .. دا كله بسبب الزفته ... ال
جتلنا البيت ...

- زفته؟ زفته مين ...

- سجي بنت عمي ... أبوها مات من كام يوم ...
وجايه تعقد عندنا ...

- لا حول ولا قوه إلا بالله طب يابنتي مش كدا ...
دي مها كان يتيمه ...

- يتيمه مش يتيمه ... ما فرقتش ... إنتي مش شفيتها
الصبح ... عملت إي ... دي كانت بتبجح في ماما ...
- يا نهار ... هي قليله الأدب أصلا ...

الفصل الخامس عشر

إنتظار

وبعد الإنتهاء ...

خرجت نبيلة وخلفها سهيلة ... لولا أن إستوقفها
الأستاذ في صمت ...

- سهيلة ... أ

لتلتفت له ...

- فهمتي حصه النهارده ...

- أه الحمد لله

-طيب يا سهيله ..أوعي تكوني زعلتي مني ... وأنا
بشخط فيكي ..

- لا يا مستر عادي ... الغلط من عندي الصراحه ...
- طيب يا سهيله ... فكرتي في ال قلته ليكي ...
- لسه يا مستر ... بس أنا متردده شويه ...
- متردده ليه ... ما أنا وعدتك هعملك ال إنتي عايزاه ..
- أه ... بس إنت متجوز ...
- وربك حلل لينا بدل الواحده أربعة ...
- ليعقب بلمس أناملها بهدوء ... وإنتي هتبقى التانيه ...
- علي سنه الله ورسوله ... قلتي إي ...
- ترددت قليلاً بقولها ... ثم بتقاطع كلمات ...
- أ .. أفكر ..
- ماشي فكري براحتك ... معقياً بطبع قبله على يداها
- الناعمتين ثم تنزع يداها في هدوء ... وتخرج من الغرفة ...
- لتحادثها نبيلة ...
- الأستاذ كان يقلق إي ...
- لتجدها ... مبتسمة وشاردة ... لتلامس معصمها ...

- إنتي يا بنتي ... في آي ...
- أي يا نبيله ... فصلتيني بجد ...
- هي بسخرية ...
- فصلتك .. عن إي يا ختي ...
- لشيح بذراعيها عالياً ... وبصوت ممزوج بلطف وحب ...
- عن الرومانسيه ... ال كنت عايشه فيها ... آه ...
- بت يا نبيله ... أوعي تكوني موافقه .. علي الكلام دا ...
- ... لتصمت قليلاً... ثم تكمل نبيلة ...
- إنتي موافقه بجد يا سهيله ... يعني عاوزه تتجوزي
- الإستاذ بتاعك بجد !

- خرج نور من قاعة محاضراته ...
- لتراقبه فتاة من بعيد ... مع بعض من صديقاتها ...
- أه ... لو أعرف سكه الواد دا ...

قالت ذلك فتاة في الواحد

والعشرين من عمرها ...

لتسخر منها إحدى صديقاتها ...

- يا بنتي فكك ... دا فلسع إكتر من نص بنات الجامعه ...

- يعني إي ... تقصدي ...

- أه طبعاً يا فاتن ... مش هيديلك ريق حلو خالص

... لأنه مش من الشباب ال بتشوفهم إطلاقاً ...

هي بمط شفتها ...

- تقصدي معقد. يافنان؟ ...

- مش حكاية تعقيد ... بس هو مش ليه بالمشي

البطال ... ولبس الكاجول دا ... والخبث بتاعهم ...

- وليه ما تقلش ... إنه بيعمل كدا ... علشان يصطاد

البنات ... ويجذبهم ..

هي نافية ...

- مستحيل ... لأن ال يعمل كدا .. بيان عليه وعلي
 وشه ... ودا باين عليه التقوي ... والأيمان والورع ...
 شايفه وشه بينور إزاي ... لأنه مخلص بجد ...
 لتغمز لها بإحدى عيناها ...

- ومالك بتتكلمي عليه كدا ليه ... لتكونيش ..
 - لا طبعاً ... أنا بس بقلك علي ال فيها ... عن إذنك
 بقا ... وريا محاضره ...
 لتغادر أفنان ... وأردفت فاتن ...

- أقطع دراعي يا أفنان ... لو ما كنتيش بتحبيه
 ... وخصوصاً ... لبسك المحتشم أل زاد في الفتره الأخيره
 دي ثم أردفت فجأة بعد شروء ...
 - البت مش عليها محاضرات تانيه ... الله راحت
 فين دي



بدأ فهد أن يفقد سيطرته من ملاك ...

محاولاً فهم ما يحدث ...

- يا بنت الحلال ... قولي في إي ... بقالنا مده ماشين
بالعربيه ... حتي عدينا الجامعه بتاعتك ...

- إسكت خالص ... شاطر في الكلام وبس ... مش
عارف ال فيها ...

- ما أنا فعلا مش عارف في إي ... ما تقولي في إي يا
بنتي ... بدل توترك دا

لتعقب ببكاء ..

- أقول إي ولا إي ... إحنا في مصيبه

هو بعدم صبر .

- يوه ... ما تقولي في إي لأعرف أساعدك

- عاوز تساعدني ... وقف العربيه حالا ...

- ليه ...

- من غير ليه ... يلا حالا ...
- ليوقف سيارته
- أديني وقتتها ..
- إطلع منها ...
- لا ... هستغفلني أنا ما أقبلش ...
- أستغفلك إي ياهبل إنت ... إطلع بهدوء ... وإلا
هطلعك منها بالعافيه ...
- طب ما تقولي في إي ... حيرتيني معاكي ...
- إنزل وهتعرف ...
- لينزل من السيارة ثم يلتفت لها من الجهة الأخرى من
السيارة ...
- يلا قولي في إي بقا ...
- لتبعده عن طريقها ... ثم تخطو خطواتها إلى الأمام ...
وهو خلفها ...

- إنتي يا بت إنتي راحه فين ... طب والعربيه ...
- هي بنظرة صارمة مشيرة بيدها ..
- يلا من هنا ... تعال وريا ..
- هو مستوقفا إياها ...
- مش ماشي إلا لما تقولي في إي ...
- إمشي وإنك ساكت يا فهد ...
- هو أنا عيل بلعب معاكي ... تقولي أمشي أو ما
أمشيش ... مش متحتج من هنا ... إلا لما تقولي في إي ...
- خلاص خليك هنا .. ثم تتقدم إلي الأمام بضع
خطوات ...
- أخليني إي ... ما تقولي في إي أنا تعبت ... يخربيت دا
يوم يا شيخه ... وإنتي مخلياني علي أعصابي كدا ...
- لتنف ثم تعقد ذراعيها ...
- تعال يا فهد ... مشيرة إليه ...

- مش جاي ... إلا لما تتيلي تقولي في إي ...
- طب تعال لأقللك في إي ... الله ...
- ليقترب منها وعيناه كادت أن تقلتع من الغضب ...
- ها قولي ... في إي بالظبط ...
- لتنظر إلى الساعة بيدها ثم ترادف ...
- دقيقه واحده وهتعرف في أي

الفصل السادس عشر

غرور إبتسامة

تمهل فهد قليلاً... ولكن تلك الدقيقة أصبحت معه
كالسنين فبادر بقول ...

-إي ... في إي... فين ال هعرفه ها ...

- لسه ما كملتيش دقيقه ...

وقبل أن ينطق لسانه... ركضت سجي بعيداً... وهو
يكاد أن ينظر إلى السيارة حتى حدث ذلك الانفجار....
ليتحرك جسده تلقائياً بعيداً حيث لحق بسجي... ووقف
يلفظ أنفاسه... وهي تضع يدها علي خصرها... تحاول
إلتقاط أنفاسها أيضاً ...

فترادف فهد بأنفاس متسارعة ...

- حرام عليكي ... عربيتي راحت بداهيه بسبيك ...
- واجهت بصره بنظرات صارمه ...
- أو مال أسيبك تموت عادي مع عربيتك ...
- وما قلتيش ليه وإحنا هناك .. كنا روحنا لمركز الشرطه ...
- الشرطه هتاخدنا بسين وجيم ... وأنا مش ناقصه
- طب مين ال حاطط القنبله دي ...
- ما عرفش ... ربك أعلم ...
- ليضع أنامله على خصلات شعرها ويجذبها بغيظ ...
- إنتي يا بت هتجننيني ...
- وهجننك ليه ... إنت مجنون لروحك ...
- وعربيتي ال ضاعت ياختي ...
- لتعقب وهي تخطو خطواتها إلى الأمام ...
- إشتريك غيرها ... مش إنت بتقول ... أبوك صاحب شرکه سيارات ... خلاص بقا ...

ليجذبها نحوه حتي ألتصقت بجسده وهو يكثر غصباً ...
 - دي عربيتي ... وإنتي السبب في ال حصل وبكل
 برود تقولي ... إشتري واحده ... هو مال حرام يا بت
 إنتي ...

لتحاول كبج يده عنها ...

- سيب إيدي ... مش ليك حق تلمسها كدا ... سيبها
 بقلك ...

- مش سايب يا ملاك ... إلا لما تشوفي صرفه في عربيتي
 دلوقتي ...

- أشوف إي ... هو أنا معايا فلوس ... إبعد عني بقا ...
 ليتابع هامساً ...

- هتشتغلي بيهم عندي فاهمه ...

- إنت مجنون ... أشتغل إي

- هتشتغلي عندي سكرتيره ... لحد ما تسددي تمنهم ...

- دا بعدك ... أشتغل قال ... سيب إيدي يا فهد ...

لينفخ الهواء بوجهها ...

- مش سايبك يا ملاك ... أهبل أنا لأخليكي تمشي
بكل سهوله ... عارف هتطفشي ...

- إطفش ما أطفش .. ملكش حق .. وبعدين إنت مأمّن
عليها أكيد ... خده وريحني .. سيب إيدي بقا ...

- مش ليكي دعوه بتأمين .. في عربيّه انفجرت وإنّتي
السبب ... وهتفضلي تحت رحمتي لحد ما تسديها ...

- إي ال بتقوله دا ... إزاي تحت رحمتك ...

- بسيط كدا أهو

ليحملها علي ظهره ... معقباً ...

- قلتلك تعالي بالزوق وأنّتي رفضتي ... إشر بي بقا

صرخت سهير في وجهه نور مرادفة ...

- ينفع ال عملته داها ... أد الساعه جت ١٢ والهانم
سجي لسه ما جتش ...

- كان لازم أسيبها تروح الجامعه ... دا آخر سنه ليها ...

-آخر إي ... إحنا مسؤولين منها ... لتلتفت ببصرها إلى
ممدوح ... لتتابع .. ما تقول حاجه يا جدع إنت ... مالك
بارد كدا ليه ...

-وهقول إي ... سجي بنت كبيره وعاقله ... وأكيد
ماهتش هيا ...

لتلوح بيدها ذهاباً وإياباً ...

- ما إنت مش حاسس بحاجه ... يَاهبل في حمايتنا إحنا
... ولو حصلها حاجه ... مش هنطول لا أبيض ولا أسود ...
قاطعها نور مرادفاً ...

- أه طبعا ... هممكوا ... الفلوس وبس ...

حتي وانتوا كبار ... فلوس ... شيلوا حكايه الفلوس
دي خالص ...

ليضربه والده على وجهه ...

- إنت بترد علينا ... بترد عل ال ربوك أحسن ترييه ...
علي ال كبوك وخلوك حاجه ... ما كله بالفلوس ياخويا
-هو إنتوا هتزلوني علشان ال عملتوه ... دا واجب
عليك أصلا منك ليه ...

ليتركهم ذاهباً إلى غرفته.... ثم يقف غاضباً مما حدث ...
ثم يهاتف صديقه
- ألو ...

جلست سارة تتصفح الإنترنت قليلاً ... على الفراش ...
ليرن هاتفها ثم تحجب ..
- ألو .. مين معايا ...
- إي يابيضه ... قوام كدا نسيتي صوتي ...
لتكاد أن تغلق الموبايل لولا أن قاطعها مرادفاً ...
- ما تقفليش السكه زي كل مره ... وإلا هتلاقيني جمبك
علي السرير ...
هي بسخرية ...
- أنا ما بنهدتيش ...
- يا ستي حملك عليا ... دا إنتي قدامي أهو .. بالأماره
كمان لابسه ... بيجامه لونها أحمر ... شيك عليك أوي يا
روحي ...

هلعت مع سحب غطاءها لتسمع صوت ضحكاته

- حتي وانتي متغطيه ... شايفك ...

تقاطعت كلماتها ...

- إنت عاوز مني إي ... ما تسبني بحالي بقا ...

- إنتي مفكره دخول الحمام زي خروجه ولا إي

- يعني إي ...

- يعني تنفذي ال أقلك عليه ...

- ال بتطلبه دا مستحيل ... مستحيل ...

قالت ذلك وهي تبكي بكاء منهمراً ...

- توتو ... لازم تفكري تاني يا قطه ... إنتي عارفه ال

هيحصلك ... وإنتي مراقي ... لو ما سمعتيش الكلام ...

هطلبك بيت الطاعه ... والفضايح هتشتغل ... ها تيجي

بالذوق ولا أعمل ال أنا عاوزه ... فكري قدامك مهله

... والمهله دي هتفضل لحد لما أرن عليك تاني ولو

رفضتي إنتي عارفه الباقي سلام

ليهوي هاتفها أرساً وتضم ركبتيها إلى صدرها وهي

تألم وتبكي ...

- إي الورطه ال أنا وقعت فيهادي ... كان يوم منيل
لما فكرت أتجوزك من ورا أهلي ... ضحكت عليا وعلى
عرضي ربنا ياخذك يا شيخ ... ويحرق قلبك زي ما
حرقته

وبعد أيام
كان فهد جالساً على الأريكة ومعه صحيفة اليوم
صارخاً ...
-فين القهوة الصباحيه بتاعتي ... ليتابع بنظراته إلى
الساعة ... معادها فات عليه دقيقه
لتاتي سجي له بالقهوة ... ليتملكه بنظراته ...
- أنا قلت إي ... لتبتسم إبتسامة خفيفه ثم ترادف ...
- القهوة يا سيدي ...

ليضع الصحيفة جانباً ... ثم يأخذ رشفة من القهوة ...
لتأتي سجي من خلفه وهي معها عصا كبيرة ... ليمسك
العصا فجأة بيده اليسرى .. ويضع القهوة على يمينه ...
لتلاحظ ردة فعله السريعة ... ثم تحاول نزع العصا فلا
تستطيع ... ليلتف لها من الجهة الأخرى من الأريكة ...

ويضع العصا على رقبتة فجأة ... وبصرها عليها وهي
هالعة ... لولا أن سمعته ...

- أنا ما ينضحكش عليه فأهمه ...

هي مزجرة ...

- شيل البتاعه دي عني ...

- لا ... لمي نفسك وهشيلها ...

- لما تلم نفسك الأول ... عقبك بذلك وهي تضربه
على بطنه بيدها لتهرب منه ... متابعة ... بعد كذا ما
تلمسنيش ...

هو بإبتسامه ماكرة ...

- ما تنسنيش .. إن في عقد بينا ...

- مزور ... خدرتني وأنا نايمه وأخذت بصمتي يا حقير ...
ليتنصب مع إعتدال ملابسه ثم يجلس بكل فخر
وإعتزاز ...

- مش أنا ال تروح عريته هدر ... والعقد معادك معايا
سنه ... لو ما نفذتيش ال المطلوب عليكي ... في قضاء
هياخذ حقني ...

- تذمرت بأرجلها وأيديها ...
- إنت حقير ... ومغرور
- قاطعها جرس الباب مرادفا ...
- أنا عارفني ... روعي إنجري إفتحي الباب ...
- لتنفخ الهواء في غضب ثم تفتح الباب ...
- أيوا مين ...
- أنا سيف أخو فهد ...
- هي بسخرية ...
- يا راجل ...
- أفندم ...
- مين يا ملاك ...
- لتلتفت له ...
- أستاذ سيف ... إتفضل ... هو موجود بالصالون
- أردف فهد مبتسماً ...
- إزيك يا سيف
- نورتي ...

- المهم .. أدينني جيت حسب المعاد ...
- ووقتك مضبوط ... ليتابع بصراخ ...
- ملاك ... إنتي يا بت ... ولكنها لم تجبه ليتابع ...
- هروح أشوفها وأجي ... ليخرج من الغرفة لتكون
هي على الجهة الأخرى من الباب ... ثم تقف خلفه
قافزة عليه ... وتضع يدها علي عينيه .. وقداميها حول
معدته مرادفه ...
- ومش أنا ال ينضحك عليها ويمضيها وهي نايمه ها ..
- يا بنت الدين ... إنزلي يا به من علي ظهري ...
- ويحاول نزع أناملها عن عيناه لكي يرى ... متابعاً. بصوت
ممزوج بعصبية يا بت شيلي إيدك عني ... مش شايف
قدامي إنزلي يا به من علي ضهري ...
- مش شايله إيدي ومش نازله ... يأنيا انت يا فهد ...
- علشان تتأمر عليا تاني
- واحد مغرور ومتعجرف

الفصل السابع عشر

زائف

تنهد فهد الصعداء في غضب وهي تضع يداها الناعمتان
علي عيناه ...

- يا بت إنزلي بقا... عيني وجعتني ...

أخرجت ملاك لسانها بسخرية ...

- مش نازله ... وال في إيدك إعمله ها ...

ضغط فهد على شفتيه بغيظ ...

- وديني يا ملاك ... أخرتك هتبقي معايا وحشه ...

وقبل أن يتابع حديثه وضعت أناملها اليمنى على فمه
فجأة والأخرى على عينه اليسرى ... ليشعر فهد بملمس
يهاها على شفتيه ...

متابعة

- وكذا أكون إتحكمت بعين وقفلت بوقك لتبطل رغي ...
 تحملقت عيناه حول أناملها ... وهو يحاول تحريك فمه
 ويده على يدها يحاول كبها عن فمه ... ولكن مع كل
 لحظة في تحريك فمه ... كان يستشعر أكثر .. حتى أغمض
 عيناه هادئاً ... وظل ساكناً لبرهة ... فلاحظت سكونه ..

- إنت يلا ... موت ولا إي ... في حد ييموت وهو
 واقف ... ولكنها لم تعلم أن صمته يسبق عيناه ... فإذا
 بيده يدفعها نحوها في محاولة منه لإستدارها ثم أسقطها
 أرضاً وهو أعلاها ... ومحكم قبضته علي ذراعيها الإثنتين
 متابعتها بلهث أنفاسه ...

- قتلتك إبعدي عني أحسنك ... إنتي ال صممتي
 تشعلقي زي الفار ...

تحاول نزع معصمها عنه في عجال ... ولكن محاولاتها
 باءت بالفشل ... متابعة ..

- سيب إيدي يا فهد ... لتلاحظ إقترابه منها قليلاً ...
 متابعه ... أنا بحذرک يا فهد ... أستشعرت أنفاسه الحارقة

في القرب منها ... وأنحت وجهها جانبا علي يمناها وهي
تغلق عيناها بشده ... وبصوت يتخافت بتقاطع الحديث ..
- إبعديا فهد بقلك ... أوعي تقرب مني أكثر من
كدا.... أنا .. بحذرک

حتي تقاربت عينه مع عيناها التي تمتلئ بخوف
وإبتلعت ريقها أكثر من رؤية فهد يتملقها بنظرات توحى
برومانسيته الدافئه فأقترب حتي دفن رأسه برقبته وأخذت
أنفاسها تتسارع بضربات قلبها ... ثم لامس وجنتيه
وجنتيها بهدوء ... فقاطعهم سيف مهرول له

- فهد ... ولم يستطع إكمال حديثه من وضع فهد هكذا
ثم عقد ذراعيه ممازحاً ...

- إي يا حج فهد ... ما تقول إنك هاتقضيها لأخيلك
الجو وكنا ... إتقابلنا بالشرکه وخلص ...

نفض فهد مسرعاً معتدلاً لباسه وربطة عنقه ثم تابع
سيره مع سيف إلى الغرفة ...

وسجى تضع يدها على صدرها وهي تنهد بعمق ...

- يا نهار علي دا إحساس ... عاوز مني إي دا ... أدي آخره
الهبّل ال بعمله ... فأكملت بصوت رفيع عن صوتها ...
ما هو هبل فعلا ... هو في قطه بتلعب مع أسد ...

وأمام شقة ما ...

حادث الاستاذ سهيلة ... وهو يسحب مقبس الباب ...

- إفضلي ...

لتمد بقدمها اليمين إلى الداخل وهي تتابع بنظراتها
لتلك الشقة ثم تجلس على الأريكة ... وهو أعقب
بجلوسه بجوارها ...

- إي رأيك يا سهيله ...

- حلوه خالص يا مستر ...

لييتسم إبتسامة هادئة ...

- مستر إي بقا ... عامر بس ...

- بس صعبه يا مستر ...

- لا ... صعبه إي ... يعني لما نتجوز وتبقي مراقي ...
 هتناديني بمستر؟ وأنا جوزك ... ينفع؟!
 نظرت له بخجل مترددة بقول تلك الكلمة ثم ...
 - ماشي يا أستاذ عامر
 - إحنا قلنا إي؟ عامر بس ..
 - حاضر .. يا ... تابعت بتذمر ... لا مش عارفه أقولها ...
 إقترب منها وهو يحدق بها ...
 - عاآمر ... عاآمر .. سهله
 فقطاعتها مرادفة ..
 - عاآمر ... فنظر إليها بعمق وقد ود الأقتراب منها
 أكثر لولا أن تفادته وهي تضع يداها على صدره ..
 - تؤ ...
 - تؤ .. إي يا حبيبي
 - لما تتجوزني الأول ...
 - باس كدا! حاضر من عيوني ...

أحضر ورقة وقلم من جيبه ...

- دي ورقة جاهزه وممضيه ... إمضي إنتي بقا ...

- ورقة إي دي !

- جوزانا

يا روحي ...

- بجد .. وفين الشهود !

- مضيتهم اهم يا قلبي وانا مضيت ناقص امضتلك بقا ...

- أممم ... أخذت القلم منه ثم تابعت بإمضاتها وهو

ينظر لها بخبث قليلا وتلامس يده ذقنه بهدوء

وفي غرفه ساره

إرتددت ملابسها بهدوء ودمع عينها ينهمر على وجنتيها

... وكل دمعة تحرق قلبها وهى تتمنى أن ترتاح قليلاً من

ذلك العذاب ... الذي حاوطها كالثعبان

وفي النادي يجلس هاشم وهو يستمع إلى الموسيقى ...
وتهتز رأسه معها مغمضاً عيناه ... لتنصت أذناه إلى شخصاً
ما بجواره ... وأعقب بعيون ملتهبة ...

- سارة ... روح قلبي ..

سارة بغضب ...

- قولي عاوز إي وخلصني

أعقب ببرود أعصاب ...

- توتو ... كدا مش هنفهم بعض خالص يا سوسو ...

- ما تقلش سوسو دي ..

-ليه دا حتي إنتي بتحبيه ...

تابعت بصراخ ...

- كرهته يا أخي

-بسرعه كدا كرهتيه ...

- قول عاوز إي وخلصني ...

- إي يا سوسو في إي ... دا أنا جوزك بردوا ...
- جوزي في عينك ... جوازه شؤم إنخدعت فيك وفي
ال خلفوك ...
- هو بنظرات ماكرة ..
- يا بيضه ما تنسيش إنك إيجوزتينني بمزاجك مش
غصب ... مش تيجي بقا دلوقتي. وتقولي الكلام دا ...
- تابعت ببكاء
- انغشيت فيك ... طلقني بقا وسيني بحالي ...
- طلاق إي بس ... يعني أكون متجوزك من ٣ شهور
وأطلقك عالطول ... ما يصحش ..
- هاشم ... شوف عاوز كام وطلقني ...
- وضع يده الاثنين علي بعضهم البعض ...
- حلو ... كدا بقيتي تفهميني
- كام ها ... ١٠٠٠٠ ... ٢٠ ؟

هز رأسه نافياً ...

- مين قال إني عاوز منك فلوس

إتسعت حدقة عيناها باندهاش ...

- أومال عاوز إي

الفصل الثامن عشر

غمضه عين

إبتسمت بخجل وهي تخرج من المسجد تضم دفاترها
إلى صدرها بسعادة ...

- آه علي دا درس ... وعلى نور ذاته ... شاب محترم بجد
... ثم أمسكت كف صديقتها فاتن ...

- إي يا بتي في إي ... مستنياكي من بدري ... وأول ما
شفتك قعدت أناديكي وإنتي ولا هنا ...

- أصل كلامه حلو أوي يا بت يا فاتن ...

لتردد حديثها بمزاح ...

- حلو أوي يا فاتن ..

لتؤمأ برأسها ...

- أيوا جدا ...
- ثم غمزتها بعينها ...
- مش قلتك إنك واقعه خالص ...
- إنتصبت قائمة مع رفع حاجيها ...
- تقصدي إي ...
- أقصد ال أقصده يا أفنان ... إنتي حبيته خلاص ...
- شردت قليلاً بحديثها ثم أكملت ...
- أنا حاسه بيكي يا أفنان ... بس ...
- بس إي ... تقصدي إنه مش هيحبني أو كدا
- لا ... بس هو في رابعه وإنتي بتانيه و....
- سننا قريب ... عادي ينفع ...
- حزنت فاتن على حالتها
- يا بنتي سيني أكمل كلامي ... إنتي هتحييه إزاي
- وإنتي متجوزه أصلاً

وفي المساء

رن جرس المنزل ...

ليفتحه هاشم بهدوء ليجد أمامه عامر مبتسماً ...

- إتفضل

ثم تابع بخنق ...

- يعني أتصل عليك أكثر من مره وإنت ما تردش ...

- ما إنت عارف ال فيها يا عامر ... وليل نهار في شغل ...

- طب ولعلي سجاره يلا ...

ليخرج السيجارة من جيبه ...

- إنت قديم أوي ... خد دي ...

- قديم في إي بقا ... قال ذلك وهو ياخذ تلك السيجارة

الغريبة ...

- إشرب بس الجديده ال في إيدك دي ... دي الأصل يا

برنس ...

ضحك بسخرية ...

- هههه يقي تقصد قديم بسجارتى بقا ...
- الدنيا إطورت لحشيش وبانجو ...
- لولا إنك أخويا كنت سجتك ... بس أعمل إي
بحبك ...
- ليمتلى المكان بالدخان ... وأعقب عامر وقد بدا عليه
السكر ...
- عملت إي فى شغل الباشا ...
- كله تمام ... ياض ...
- يعني ساره بقت تحت إيدك خلاص ...
- طبعاً ... زي ما سهيله بقت تحت رحمتك. يا معلم ...
- المهم .. إنه كله للباشا ... دا يجبسنا كلنا ...
- طب مراتك الأولى حست بحاجة ...
- هو نافياً ...
- أفنان ؟ ... لا ما حستش بحاجة ...
- وملاك بنت عمهم ؟ مش قالك حاجه عليها ...

- قالي إبعد عنها خالص ... دي للكبيره بقا .. ليتابع
 بخفوت ... تقريبا دي الضربه القاضيه الي هيقضي بيها علي
 سجي خالص

وفي الصباح

في شركه فهد ...

فتح باب مكتبه في عجال

ثم عقب فهد ممسكاً بمعصم سجي بقوه ليلقي بها إلي
 المكتب صائحاً ...

- خليكى هنا ... نظمي ليا مواعيد اليوم يلا بسرعه
 ... وضعت يداها الاخري علي معصمها وهي تتألم ...

- يا عم مش كدا براحه ... إيدي مش حمل إيدك دي

- أعملك إي ما أنا بسبك كنت هضيع الصفقه وهي
 معادها الصبح ... وسيادتك لسه نايمه ...

تابعت بتذمر طفولي ..

- أعملك إي يعني ... مش إنتي ال مشغلني أستحمل بقا ...

ليكبج يده علي المكتب بتفاوت صرخاته ...

- أستحملك إنتي علي حساب شغلي ليه ... كله إلا
شغلي يا ملاك ... وإلا في بند بالعقد يحقلي أسجنك زي
ما أنا عاوز لو حسيت إنك هتضيعي شغلي فأهمه
إندلف إلي داخل غرفته وأغلق الباب في غضب ... ليسقط
جسدها علي الكرسي وهي تنهد بصعوبة ... لتمد يدها
علي المكتب لتسحب بجسدها إليه ... وإنصاعت بأناملها
علي خصلاتها تجذبها بإستياء ...

- آه ... إي الورطه ال إتورطت فيها دي ... مصييه
وحطت علي دماغي ...

قاطعها صوت شخصا قد سمعته قبلا ...

- أي ال خلاكي تيجي هنا يا سجي ؟

نظرت حولها في إيجاد ذلك الصوت ويدها علي الكرسي
بإرتباك ...

- إنت مين ؟

- قوام كدا نستيني يا سجي !

تابعت مرادفه ...

- ما تقلّش سجي دي خالص ... إسمي مش سجي ...

- لا إسمك سجي الحقيقي ... وأبوكي بيناديكي يا ملاك ... لأنك فعلا ملاك يا سجي ...

- إنت مين وعرفت بابا مين ... وطلعتي مين ...

- مين دي ماتعرفهاش ... بس أنا جاي أقلك حاجه وهمشي ...

أردفت بصراخ مع تلويح يداها بعصبية ...

- أنا مش هسيبك لازم أعرف إنت مين وعرفتني من مين ؟

ضحك قليلا ثم ...

- أنا مش فاضي للعب العيال دا ... ثم تابع بغموض ...

- إبعدي عن فهد يا سجي ... فهد مش سكتك

- إنت ال فهد وعاوز تدايقني من سعت ما عرفتك وأنا مش علي بعضك أساسا ...

- أنا جيت أنبهك ... فهد

هيدمرك ... حياته مش زي حياتك

ثم إتجهت نحو شبايك الغرفة وهي تنظر من خلف
ستائرهما في إيجاداه ...

- إنت فين ها .. لو راجل إطلعلي يلا ...

ها فين ... وصرخت صرخه جنونيه ... مش شيفآك ...
إنت مين ... وعاوز مني إي .

ومازال يردد قولاً

- فهد وحياته هتدمرك يا سجي

الخاتمة

وقعت ذات الأعين السوداء .. ضحية رجل أعمال لا يفقه شئ سوى السلطة والمال.... وأخرى بين شخص لا تعرف الرحمة طريقاً لقلبه ... وبقيت تتصارع أحاسيسها في قبول الأمر ليتبعه خفوت زوج أضع فتاتين بآن واحد.... يرى كيف يرد دينه مع شخصا آخر ويبقى الضمير حائلاً بين كل هذه التساؤلات ليشيح في صوره ما ... قد عشقت مكنونات الألم في

عشق السراب



التواصل مع داركتاب

Email: darkitabone@gmail.com

fasbook : darkitabone

البدج داركتاب

٠١٠٩٧٥٥٣٣٢٨